

道光肇慶府志

肇慶府志卷二十一

藝文

經部

按所采之人多有表傳可考無傳者乃畧注履歷間有未知姑從闕如重見亦不注

易解圖說

國朝梁之棟撰

易經旨

國朝陳奇撰

周易會通刪補

國朝潘嘉璧撰

易經講義三卷

國朝譚元鵬撰

易理精義

國朝譚詔音撰

易準二卷

國朝鍾仲裕撰

易經講義

雷州府志仲裕字懋亭由拔貢任徐聞學教諭每與生徒講解經書訓詁奧義勞心學校厥功甚偉陞廉州府教授

易經講義

國朝崔有珍撰

讀易管窺上下編

國朝吳式郡撰

式郡字觀川高要諸生

藝文

右易類

尙書捷覽

明吳士耀撰
土耀四會人

尙書注釋三卷

國朝陳子檜撰
子檜新興人

右書

詩經橋園解

國朝馮匯撰
匯新興人副榜

詩經要領

國朝李潤林撰
潤林陽春人

詩經彙錄六卷

國朝范丕和撰
丕和陽春人

右詩類

禮經要旨

明孔學禮撰
學禮字立之封川人嘉靖歲貢生官睢寧主簿

家禮註補

明羅兆鵬撰
兆鵬鶴山人

維俗家禮

明劉夢錫撰
夢錫新興人

四禮末論

明梁大同撰
大同德慶人

按夢錫一作夢賜

射禮儀注

明黃德撰

讀禮發明

國朝馮以錫撰

禮記註釋五卷

國朝陳子倫撰

右禮類

陳氏春秋

漢陳欽撰

漢書儒林傳陳欽字子佚以左氏授王莽後漢書陳元傳元受欽習左氏春秋元少傳父業為之訓詁注云欽自著錄則其亡佚已久不知黃志何所據而云十卷也後漢書注亦無卷數

左氏同異

漢陳元撰

經典釋文司空南閣祭酒陳元作左氏同異

春秋經注十一卷

吳士燮撰

經典釋文吳衛將軍士燮注隋志同吳書本傳燮耽玩春秋為之注解陳國袁徽與尚書令荀彧書交趾土府君

既學問優博又達於從政官事小閎輒玩習書傳春秋左氏傳九簡錄精微吾數以咨問傳中諸疑皆有師說意思

甚密

春秋決議明吳士耀撰

春秋傳意解一卷國朝黃淮撰 推字泓秋高要歲貢生

左國摘要國朝梁冕撰 冕字式周新興歲貢生官保昌訓導

右春秋類

四書五經鈞元錄明勞守謙撰 守謙鶴山人

書詩傳解明易奇際撰 奇際鶴山人

經義博說國朝劉啟鉉撰 啟鉉陽春人

經學指要國朝劉宗瀚撰 宗瀚陽春人

右五經總義類

四書本旨二十卷宋譚惟寅撰 惟寅高要人

大學義

中庸義

同上

見經義考黃通志作二卷

羅陽四書翼六卷

明區大倫撰
大倫高明人

大學定本

同上

四書邱里評

明胡斯覺撰
斯覺字悟元鶴山人萬應廣貢生

四書講說

明張鴻撰
鴻閩平人

四書一旨

明周裕庭撰
裕庭寧人
一作廷

四書說

國朝陳奇撰

橘園四書

國朝馮匯撰

四書口義

國朝李震華撰
震華新興人

四書要領

國朝李潤林撰

刪補四書大全

國朝張鑑撰
鑑陽春人

四書講義

國朝楊芳世撰
芳世高明人

肇慶府志

卷二十一

藝文

四書格

國朝區準高撰

學庸講義

論孟筆錄

國朝李暢馥撰
暢馥鶴山人

鶴山縣志暢馥乾隆戊午舉人
明通榜新安教諭祀崑陽義學

四書講義四卷

國朝譚元鵬撰

中庸說畧一卷

國朝鍾仲裕撰

石稼堂四書善注

國朝崔有珍撰

四書精義

國朝劉宗濬撰

四書精言

國朝盧男侶撰

四書融注萃義

國朝曾健撰

學庸雜俎二卷

國朝呂瀾撰

課勤齋四書講義

國朝古大鰲撰

四書緒言

國朝區啟科撰

右四書類

黃鍾考

明陳桂芳撰
桂芳陽江人

右樂類

六書攷

明周裕廷撰

右小學類

吏部

通鑑綱目輯要九卷

國朝范丕和撰

右編年類

公私利害百疏

宋李大本撰
大性四會人

內外制誥稿

明區大相撰
大相高明人

區大司徒疏稿

明區大倫撰

何蒼水奏疏八卷

國朝何日珮撰
日珮德慶人

肇慶府志卷二十一

藝文

理學名臣錄

土課字漢生鶴山人

陽春訓導三十三年陞福建建陽縣丞

諸史摘要

明
毓
珩
新
興
人

信安志十六卷

宋毛憲撰
見宋志

肇慶府圖經

未詳名氏
見輿地紀勝

肇慶府志

明知府王瑩修教授伍寧郡人梁致育等輯
正統五年庚申

四明王瑩序洪惟聖朝混一區宇際天所覆極地所載莫不歸於版圖而廣之肇慶實在內服首需德教爲嶺南台

郡其建置沿革山川風土人才物產之類必有志以紀載之永樂間郡嘗祇奉纂修錄輯成書進之秘府稿本則留

置郡中以脩觀省焉陶璜弟宣德六年春予自刑科給事中奉勅命出知肇慶府視事之暇每取而閱之嘗欲會

校鏤板以廣其傳政務匆匆未及也今年夏府學教授伍
宰以其績增枝本末質於予且得以向所未就者俾訓導
李瑞宋悅與郡之需頤參考之僉謂增枝攸當允宜就梓
復請予文冠諸編首義不可辭嘗考肇慶即古端州於禹
貢爲揚州之域於天文爲牽牛婺女之分野春秋時爲百
越之地至秦漢始郡縣之歟後山川風氣人物習尚漸次
革薄從忠載之舊志蓋有自矣逮我太祖高皇帝投戈講
藝大興文治設學校以作新其人明禮義以淳厚其俗列
聖相承仁漸義摩七十餘年之久蒸蒸透徹之餘宜其風
聲氣習一時爲之不變人才宦績煥然足以齒於中州政
教之使然也予承乏治郡適際其時亦惟宜尙德化措之
於民使俗益歸於厚以俟繼此可書則郡志之存非苟云
耳由是山川之險易道理之遠邇戶口貢賦之豐耗人物
風俗之盛衰與夫建置沿革不須考索登歷可以一覽而
得之矣其有關於星土之留伏原於氣習之變遷繫於世
道之否泰消息蓋非細務則是志之成夫豈適然也哉
高要梁致育序畧永樂十七年嘗纂修志書吾郡奉行惟
謹儒先蒐訪論次之詳悉依凡例以系其事爲肇慶府志
若干卷上之其稿本嘗得而觀焉可謂周密曲盡蔑以加
矣竊意以爲自纂修至今又二十年事有可紀者非一苟
無以預載之也他日倘索其實以備採擇故老淪沒憶記
遺忘其就能前聞也惟時郡守四明王公方欲板行是書
郡博伍先生寧據郡人所採事績之稿成就正於公遂命
貳敘李先生瑞宋先生悅暨愚老耄相與考訂無疑書生

肇慶府志卷二十一

五

黃聚緒寫成帙鉅梓以傳按致育高要人以鄉薦官訓導致仕家居修郡志有傳此片吳志不載見阮通志署按吳志以王審志為舊志第一於舊志第二注曰志版缺舊本亦無攷云云考黃佐序徐志云正統成化中凡兩修輯意第二志乃成化間修也

肇慶府志十八卷

明知府盧璘徐鶴修郡人陳九成等輯嘉靖四十年辛酉

海鹽徐鶴序按周禮大司成以土會土均之法辨十有二壤之名物則知五方之風氣不同是故燕冰不泮越草不零魏風刺僣曹風刺奢舟車異用冠屨異宜勞乎不齊也聖人為之審於異同之故察於順逆之端因其教不易其俗循其性不拂其能張弛宜民各中其則采於四方之志而已矣故志者君子之所以觀風考俗鑒古証今以彰治道者也余承端乏思所以適於治而未幾閱見不足徵已吾既多駁正蓋渺散亂毀裂吾欲觀時政聞見不足徵已吾欲觀往蹟故實不足徵已前守盧君連城無城隍人欲志纂輯畧見端緒余嗣守不可不踵其成也於是乎立類例慎編摩禮境內之髦士而賓之別館相與更定以考其成爲例十有五始於國經疆域而地利例矣表之以公署風之以學校文之以禮樂紀之以賦役以秩官者詔其辭以選舉者登其良以兵防者錄其材以貞烈者彰其節藝文外志道之餘也咸得論次而傳焉按是而適於治之途

其庶幾矣太史公作史記於秦火之餘上邽黃皇下逮秦漢敘述盡乎古今研核窮乎百氏使往蹟可覩而記也惟善讀者能於利害得失之際釋其旨以要其所歸推而行之以期實用要非簡帙所能盡矧事關興廢道在商確苟亦猶行旅表途夷險在目尤必齊其銜極飾其輪轅然後歷險致遠要之於其所歸若川原盈涸陵谷變遷道路之梗日相侵乎其前則在變而通之俾不盡於半途斯已矣請是志者當自得之黃佐序畧肇慶志修自宋時有李宗諤張宋卿二家厥後丁伯桂守郡重加刪潤務爲簡畧而文獻散逸不復可完國朝正統成化中凡兩修輯竟未錢梓蓋猶病其畧也嘉靖丁巳予力疾供通志之役而志以錄本至乃郡人侍御陳君九成偕諸俊彥廣摭以成者越二載海塩徐君鵠來知郡事首以文獻爲重禮延鄉諸進士補厥散佚而陳君仍綜其綱會通志告成悉從彙收入列圖於前而次第爲志凡十有八卷云阮通志云黃云作盧徐二名而序中未及不知何故按陳九成高要人有傳

肇慶府志三十卷

明知府鄭一麟修歸善葉春及等輯
萬曆十六年戊子見明志

山陰鄭一麟序余自司馬出守肇慶家大人進而教之日予昔守柳州聞唐刺史子厚好奇郡中山水所在記述夫天子命吏以經國家理人民豈直爲遊觀歌咏地哉若肇慶爲粵西門戶控三江包八州洋洋一大郡也倘紀載不

肇慶府志卷二十一

藝文

六

脩何以考鏡得失且職方亦司馬事也兒其勉之一麟頓
首唯唯至郡謁上臺開府則大司馬吳公余鄉王公以監
司左右之先是討平羅旁置州邑綏以文德民得息肩南
畝余守郡實承王公之後勉繼簫聲政和民洽乃以志請
大司馬曰羅浮葉刺史春及才雄學博可專其任若郡人
陳鎮江譚五河梁文學陳潭雨孝廉皆相與質正者也志
成余適入觀過里得籍手以報家君夫上古之世業有九
州之志其各九邱邱聚也言九州所有土地所生風氣所
宜皆聚此書也楚史倚相猶能讀之自孔子述職方以除
九邱討論此書也文斷自唐虞而禹貢遂為萬世法他若禹
紀山海經神怪弔詭摺紳先生不道故言九州志禹貢乃
其宗矣莫高山大川則壤定貢賦建諸侯文教武衛二者
其制治之大端也肇郡山高水遠多崗陵林藪清鹵之地
田不逮揚而賦乃與真埒量其貢過於橘柏之包計其庸
重于輸將之服權其貨軼於漆林之征秩其官眾於諸侯
之建予不佞待罪太守日夜皇皇勞來搏節常懼無以安
民語曰鑒於水者知妍與媸鑒於古者知得與失欲知制
治之猷具此志矣明歲大計對揚明命天子進郡國吏問
民疾苦臣一麟謹陳所志稽首頓首對曰此上之德也二
三臣之力也小臣何功之有歸善縣志葉春及字化甫
舉人萬歷辛卯以薦起歷官江西司郎中著有政書權書
肇慶府志順德縣志永安縣志按粵中此三志最為有名

肇慶府志五十卷

明知府陸鑒修郡人區懷瑞等輯
崇正六年癸酉

平湖陸整序古者天子巡狩方岳詢俗采風輶軒之使亦
集里詠方言以獻至太史纂錄取副都國則圖志所繫凡
城廓疆里戶口貢賦人民風俗土產於是乎在蓋山河
總或阻梯航茲昔憑湮慮消桑海匪是不足當指南車
里鼓也乃學士家束髮受書輒期考古鏡得失將一部
七史直寸管羅之泊入官則不能舉所轄彈丸何啻摩
嶺海與區綰穀兩粵山川秀麗賢哲挺生稱名郡焉屬
軍旅頻興賦役孔棘雖陳元經術薪火長傳而步騫之
戈亦相尋而未有一切經制衰益倍異曩時郡邑所
紀欲不更張得乎漢張千秋從擊烏桓歸述方畧形勢
歷如指掌世卜其興彼武夫猶能如是矧撓麾出臨
粉本嗣是正統成化嘉靖萬厯間修輯再四都數已脩
字已水部郎出守嘉靖萬厯間修輯再四都數已脩
亡典饒皮板左藏者駁駁沒字碑矣商諸同志郡孝廉區
君懷瑞何君湛然黃君虞龍及吾友茂才陳君詩教謀
訂訛補缺及繁易新翻而刻之庶幾文獻足徵平倭以
行不果至王申夏少司馬我翁王公心翁熊公先後蒞
剪滅菁岫方伯洪厓王公觀察嶺西復告陽春之捷定武
修文此其時矣爰請諸臺咸報可於是開館庀精聚材
業以纂訂屬之諸君以蒐覈責之屬部以贊斧計之徵邑
以繩督嚴之府史若夫總持衡鑒刪潤葛藤則予不敏亦
不敢多讓蓋業有其緒矣會予量移嶺南猶得從郵筒相
商確而嗣子來觀者則倣開陳君及南猶得從郵筒相
盛典迺不三年告竣志成首圖經次事紀次為表者三次

肇慶府志三十二卷

國朝知府史樹駿修郡人區簡臣輯

為志者十次為傳者四凡五十卷倚殿鑄二自萬歷志後
曠絕四紀四獻復無徵則考證難興墜靡恆兵賦難
討難幽熾莫彰大力輒負則筆削難馳
爰如下無核區懷瑞高明人有傳

武進史樹駿序肇慶志五十卷明太守平湖陸鑒誤其書
創於四明王瑳而華亭黃瑜繼之海鹽徐鵠山陰鄭一麟
又遞相纂輯自正統五年迄崇正六年鑄版者四而肇慶
之志始脩明未兵起急武功而忘文事版亦旋廢故傳之
者少後之仕宦於斯者求一副本不可得於前人行事之
蹟亦罕能詳之辛亥仲冬予偶得之郡人梁應時家取而
閱之大約鑿之成書喜為標目有表有傳有紀有志議論
雖多考核未盡事多神互編次失倫所收藝文半於卷帙
未免濫觴之議乃於簿書之間謀所以序正之會朝廷
稽古右文郡邑有司皆得修其紀載於是諮之故老考之
令甲殘碑斷簡靡不畢講謁一人之愚閱五月而書成文
減於前事增於昔定為三十二卷肇慶之志復脩夫肇慶
之為郡本一州治割附諸縣亦他郡荒僻不治之地於粵
東最為瘠薄非有通都大邑聲名文物之美可夸示天下
然而習尚簡樸器用無華纖嗇自給則民生之所以盛負
竭而走險恣其狡黠疾富噬愚則風俗之所以衰盛衰之端
莫非政治之所當經紀至於積漸之久有所以因革損益
以為法令禁防禮儀教養之制雖其事屢更亦各施於一

肇慶府志三十二卷

國朝知府宋志益修順德鄭際泰訂

代為治者之所不可不考也而山川之氣發為人文秀傑
貞廉節烈之行皆不可不列以為世鑒況於治亂之間匡
襄底定鞠育撫摩有功德之可思有典型之足式若此者
亦不絕於時昔人所謂澤在斯民沒世不能忘者甘棠之
詩所為作也安可使之泯泯在斯民沒世不能忘者甘棠之
之志其可廢乎蓋此書在昔諸賢成之如此後世則肇慶
不文適逢其會無名公碩士欲修舉而未成乃以余之惘
各有時也哉阮通志畧樹駿號庸菴
江南進士康熙八年任簡臣高明進士

長洲宋志益序肇慶志創自前明永樂間其始創者已失
其名宣德中郡首四明王君瑩始為鑄版海鹽徐君鶴始
分例為十有五縣平湖陸君鑿繼之我朝鼎興郡守史
後山陰鄭君一麟康熙十有二年其贊襄而任分編者高
君樹駿修輯於康熙十有二年其贊襄而任分編者高
區簡臣進士也史君之序謂鑿書喜為標目議論雖多考
核未盡事多舛互編次失倫又所收藝文半於卷帙因而
藝文刪削過半正其舛互則史君之所謂修也文減於前
事增於昔則史君之所謂輯也其辭若頗自矜者夫班馬
皆良史才而前漢書尚於史記有微詞况史君之於陸君
哉余搜史君之志定為三十二卷分為圖象沿革星野輿
地建置秩官賦役學校選舉兵防水利視典名宦人物歲

時物產仙釋雜志藝文等例而灾祥附於水利後流寓附

於名宦後寺觀附於仙釋後豈其不足特見乎何為獨從

附見之例也余惟我國家統一四海

聖天子之深仁厚澤雖嶺海遐荒靡不沾被肇郡十有二屬

其為蠲租賜復恤災賑貸廣額宥過之詔歲月相繼德

澤而恩普浹洽乎人心不可闕書也爰為增入事紀一條

而餘悉仍其舊但於其附見者姑離而二之計前此志版

日久而漫滅者數矣自史君以來已四十餘年其版亦稍

有殘闕緒閱之下或猶循舊志之失而未及改乃知假手

於人固未易易耳余之增輯平是不敢肆臆見之私亦不

敢謂蒐討之脩特以事必徵信其見之通志及州縣志者

固可憑矣其所未詳要必先之州校縣令次及學博各具

事冊以為據依而增輯焉稿既成復質之珠江鄭太史祈

審訂之然後敢授之副附氏蓋綠世好之雅故請益不厭

肇慶府志二十八卷

二君之舊故每卷之首仍次其徵信也余所增輯皆承史區

前人之美問有改易增註詳於凡例他如著書之何以有

解於政何以不讓乎史則前人序之詳矣此不復贅云

阮通志畧志益長洲人歲貢康熙甲午任已亥續

集郡志按鄭際泰康熙丙辰翰林通志有傳

分巡肇羅道眉山彭端淑序畧端州郡志創始於明歷今

凡六易其板崇正時平湖陸君整釐為五十卷陸君高才

又得名人區君懷瑞贊勸厥事大要規仿史漢別為標目
一題一詠皆出塵表意其書必多可觀而惜其無傳昔吾
川省志重訂於萬歷初年藝文一卷實出楊升菴先生手
論者謂其書可單行乃經後人改纂割剝不成面目若此
類可歎也余觀端川扼兩粵控三江環繞數百里嘗屢巡
其地察其形狀與舊志或多異同思欲筆之於書以示來
者有志未暇也去年秋出使西粵踰年始歸而郡守吳君
已纂訂成編請商於予讀之而喜曰是固余之志也夫
是志考核甚詳增刪頗當其有益於肇豈淺哉於時相與
有成者友人南海夢瑤何君也錢塘吳繩年序壁慶府
舊志纂修於前明者久燬兵燹獨國朝郡守史君樹駿
康熙癸丑所輯宋君志益已亥所增尚存耳然程今四十
年亦復漫滅發缺主藏吏因合兩編零簡為一書不顧前
後文理不屬咎在典守而新故遞嬗未遑訂正欲求原本
則又有借文選不得之苦誠無可如何者也繩年不敏來
守是邦七載矣下車之始則以董輯為首務蓋缺誤愈久
益難稽考且自己亥以來國朝制度日新規為美備又
亟宜紀錄也而因循至今者厥有二端誠念志以傳信
必有徵文獻其要也郡志既闕將求之邑乘而重修者
寥有曠至七八十年五六十年不得廣購境內家藏需
之時日摺紳先生多屬新進又強半宦遊四方老成典
日就凋落一二存者亦年逼耄荒語訛傳授猷詢黃髮殆
未易言文獻不足徵信為難一也君子不出戶而知天下
特心理之通也而山川之險易民物之盈歎風俗之隆污

非逼歷何能洞悉百聞不如一見顧簿書鞅掌行部未周
必自信乃可信人二也然此七年來每撫綏編亟思削磨
而因循未遑蓋負疚於寤寐中者久矣茲則問俗觀風不
遺遐壤網羅散失粗有津涯邑乘之新修者強半又得端
溪山長何君報之博古知今日夕尚虛至是有事編纂發
凡起例補缺計謫悉以付之何君年不敏操筆以從其後
始於乾隆已卯之春脫稿於是年之秋為綱者一十八為
目者五十有九書成共計二十八卷不敢謂纖悉靡遺而
訛舛之病庶幾或少免乎方今又治光昌班馬雲集木
繩至絢應不乏人幸取而正之使可信可傳足備輶軒之
采將七載之寤寐永慰而一郡之典故常存其拜賜匪鮮
淺矣刻刷告竣爰序其端按愛瑤雍正庚戌進士奉天
遼陽州知州通志有傳此志所采

高要縣志二十六卷

康熙十二年 國朝詔修梁登九等輯

梁登九序畧要之先古交州地書曰堯命羲叔宅南交是
也邑故無志往惜之客年冬以朝貴請下令天下郡邑
咸有事於志乘邑大夫竟陵譚公復不愛束幣致諸耆英
不敏如余亦辱及焉且夫史之與志不同日語也明矣史
尚馳騁志取記載脩徵信而已寧撲訥而固毋騁麗而自
卽於佚與其詳瞻而稱引失實無寧有所脫落而疑義誕
妄概闕勿書茲遠綜墳典近觀國俗以及名山空谷之藏
標網篋衍所蓄靡不蒐采而又乞諸黎獻徵之道路行言

高要縣志二十二卷

道先五年 國朝韓際飛葉承基修何元等輯

此而猶有未盡則姑闕之以俟後之君子是役也為圖象
四紀表各一志十有二列傳七載筆於王子之隱越明年
春上已脫稿購梨梓之又四閱月而工竣按凡例又稱
高要有元皇慶志及崇正志今不可考譚桓竟陵人知縣
攝德慶州事有序登九邑貢生同韓舉人黃鳳
貞鍾志伊貢生陳朝珍生員鍾穎明黃土貴
徵縣葉承基序畧承基以甲申之秋甫蒞茲邑首葺文廟
修教諭齋成大垣橋創石衢於迎恩亭益經費於義學舍
凡以勸文學刊周行為地方樂利計誠拳拳也因請前邑
令譚君桓所修縣志刻於康熙十二年板已磨滅無復存
先經前令韓誠齋延邑中人士創修纂輯始事於道光三
年十一月歲事於五年十二月歷三載至是而告成沿革
一職官一輿地二山川一水利一建置一經政二前事一
金石四古蹟一選舉二宦蹟一謫宦一列傳二雜錄一凡
二十二卷曰表曰畧曰錄事在本邑者始載其天文分野
與一切繁蕪穢雜荒誕奇異之說概無取焉按際飛承
基皆知縣而承基時權縣事何元邑歲貢同輯舉人周燧
梁振鼇拔貢黃登瀛彭泰來此志有功金石所論硯石亦
核精

四會縣志

明顏寶修 永樂中

寶字太和龍溪人知縣

卷二十二

藝文

四會縣志

明蕭樟修林密等輯

邑進士運使李津序云近年張侯希賢嘗修新志未及梓遷秩去按希賢名思齊

四會縣志

明彭名世修周之龍重輯

四會縣志

萬曆三十八年

四會縣志

康熙十年

四會縣志

康熙二十七年

四會縣志

康熙二十七年

四會縣志

康熙二十七年

四會縣志

康熙二十七年

四會縣志

康熙二十七年

四會縣志

康熙二十七年

四會縣志

康熙二十七年

新昌集

宋人撰不著名氏

與地經序

日廖淙序

一疆域其目曰輿圖星野沿革山川水利氣候風俗里鋪鄉廂古蹟梁墟市三秩官其目曰城池公署學校坊表壇廟寺觀津梁墟市三秩官其目曰城池公署學校坊表壇廟裁官賦役其目曰戶丁田賦解支脩支改徵積貯稅課地租鹽課五禮樂其目曰班朝蒞官祈年秩祀造土訓俗六兵防其目曰軍職兵額俸餉營汛若柵巡船郵遞民壯弓兵七人才目曰軍職兵額俸餉營汛若柵巡船郵遞民壯女流寓仙釋入藝文九物產十事紀其目曰軼事災祥

新興縣志

元達 嚮嚮齊薛里吉思修

阮通志云元統中修見劉志

新興縣志七卷

明林藩修

嘉靖二十八年 藩訓導

黃通志有阮通志
云劉志滿福安人

新興縣志

明樊舜牧修

萬曆二十四年 舜牧字虞佐知縣見經部

新興縣志

明謝國柱修

崇正四年 國柱知縣序載劉志

新興縣志

明張復普修

崇正十四年 復普知縣

新興縣志

國朝李超李廷鳳修

康熙十八年 二李俱知縣

阮通志畧云超康熙十年任廷鳳十七年任志
成於十八年蓋超本始事廷鳳乃成也

新興縣志

國朝徐煌修

康熙二十六年 煌知縣序載劉志

新興縣志三十卷

國朝劉芳修

乾隆二十三年 芳知縣

陽春縣志五卷

明俞文英修

嘉靖三十五年 文英麻城舉人知縣

黃通志有又見康志 阮通志畧黃志作俞宗周撰考
縣志秩官各宜俱無宗周之名疑宗周即文英之字也

陽春縣志

明張文誥修

萬曆十六年序見康志

文誥知縣

陽春縣志十八卷

國朝康熙二十六年善述修邑人劉裔煇等輯

善述絳州拔貢知

縣裔煇舉人山東濟陽令有傳同輯拔貢梁隆歲貢劉大

鏡歐陽志學李成運伍崑附貢楊公俊監生劉裔煇汪演

陽春縣志十七卷

國朝王博厚修邑人劉宗湘等輯

雍正八年博厚黃縣舉人知縣同

輯舉人劉宗湘譚子芳拔貢劉家楹恩貢梁宜中歲貢

張鑑劉裔沂王嘉猷梁美中梁璿林振恩貢劉家俊貢生謝

成勳生員劉家坡梁日鑒梁斗星陳應球劉家正黃朝晃

陽春縣志十六卷

國朝姜山修浙江呂伊輯

乾隆二十三年山單縣進士知縣

伊仁和明經同輯邑舉人謝以光拔貢謝惠成教泰貢生

李壽柯爾常吳昌偃劉世槐監生梁文海生員柯日旦黃

朝廣嚴而泰陳舜源敖震謝參光

嚴而溫陳開五儒士黃朝文

陽春縣志十四卷

國朝陸向榮修陳懷彥接修番禺劉彬
嘉慶二十四年向榮清苑人懷

彥吉水人俱知縣彬華嘉慶辛酉翰林同輯邑歲貢生訓
導李家翰舉人學正劉世探舉人林宣鐸恩貢劉榮新

歲貢李正綱縣丞附貢
楊廷鏡生員楊開鼎

例言云陽春舊志康善述王傅厚姜山所修並存大率弁
隨筆殊非善本今重訂為十四卷刪潤大半補輯較完

事增於前文省於舊第拘於踵事之見不免從
俗之譏博森古今以成一家言仍俟後之君子

陽江縣志

明劉茲輯
正德十三年茲邑人

茲序畧縣故志遺漏冗複不勝謬譌正德丙子邑令姚君
鳴岐始欲修之弗遂迺者常熟金公鶚以肇慶府推署縣

以茲總其事閱五月未脫藁而公去時則千父仇君期終
其事以促起戎樓適湘源文世範來宰茲土率刻之是編

歷四人而始濟阮通志畧茲字伯度宏治乙丑進士官
光祿丞時嚴嵩執政以茲有重望欲羅致之托疾告歸博

采羣書手
輯邑乘

陽江縣志七卷

明吳煥章修
嘉靖二十五年見黃通志
煥章知縣

陽江縣志

明蔡懋昭修
萬曆八年序見莊志
懋昭知縣

陽江縣志

明鄧士亮修鄧全慎輯

區大倫序畧曰蒲圻鄧公司理端郡來攝防海兼署邑政

雅意乘籍絳舊志而少之乃舉以屬博士清湘鄧君越數

月而書成阮通志全慎字念茲廣

陽江縣志四卷

國朝孫延鐸修邑人陳本輯

廷鐸序畧康熙王學士衛公係議天下郡國修新志

按明永樂天順間兩經遺官采天下邑志而陽江尚無成

書正德戊寅後劉光祿助之鄧學博成之屢經荒遷圖籍

散失乃分任學博采之多土江土中博洽古處如陳本者

陽江縣志

國朝范士瑾修

疑足折衷舊典復能埏埴新成四卷為目二十二

陽江縣志八卷

國朝莊大中修

土瑾知縣

陽江縣志八卷

國朝李漢修邑人區啟科等輯李應均胡

志成惟續增人物過多未及定調任去二十三年知縣陽

曲李應均延邑中端士密疏應增名氏定二十三年知縣陽

按道光二年知縣湖口胡瑤續纂并付梓時瑤已官廣東

新拔貢譚英副貢馮昌平
續同輯舉人學博徐光裕

高明縣志 明陳坡初修
嘉靖初坡知縣

阮通志畧坡號東岐懷安舉
人嘉靖五年任創始邑志

高明縣志 明徐純修管維乾等輯
嘉靖四十年純知縣維乾教諭同輯訓導黃

淳邑岸土楊太和嚴貞
楊紹程區翔鳳何一麒

高明縣志 國朝魯傑修楊有聲譚良泰李其蕃輯
康熙八年傑知縣縣楊譚李皆邑紳士

高明縣志十八卷 國朝于學修邑人黃之璧等輯
康熙二十九年于學知縣之璧舉

人同輯舉人謝口禧
王載望貢生譚錫蕃

高明縣志十八卷 國朝瞿雲魁修雷際泰續修
嘉慶五年雲魁際泰皆知縣

高明縣志十八卷 國朝祝淮修
道光三年淮仁和舉人知縣

淮序畧曰邑志之修迄今僅二十餘年為時未久軼事無
多一切且仍其舊考昔證今闕者補之遺者續之不踰月

而告成按是書不踰月而成分纂列銜至三十人之多
又採輯編校不可勝數茲不備錄

肇慶府志卷二十一

南恩州圖經

宋人撰不著各氏見輿地紀勝

恩平縣志十一卷

明邑人梁維棟創稿知縣宋應昇修羊城應昇序梁恩平自成化間立縣而志未立余甚病之詢於

鄉先生梁叔建氏乃以其所輯志稿見示余獲之如世璧

羊城盧原適至盧博雅士也因取志稿屬之逾月告竣至

仲冬始克付梓按阮通志謂宋名未詳誤以原為郡人又不知稿創自梁茲訂

恩平縣志輯

正梁字叔建官同知有傳國朝修邑人鄭軾何俊劉介玉許大任

恩平縣志十卷

國朝修邑人鄭軾何俊劉介玉許大任康熙二十七年世男知縣遼東人

恩平縣志十八卷

國朝修邑人鄭軾何俊劉介玉許大任乾隆二十一年夢和平進士知縣

士石臺署縣梁州舉人秀拔訓導鎮平舉人卓成邑人學博同輯諸生馮師元梁紹鳳黃奮昌鄭廷修吳桐黎文典

思恩志

附人名氏按吳志膏引思恩志不著撰人

廣寧縣志

國朝修邑人鄭軾何俊劉介玉許大任康熙二十六年金從龍溪舉人知縣

金從序畧廣寧僻處山陬志書闕有間焉甲子秋承乏茲土進邑中諸文學而咨詢之出其手集零篇斷簡多所缺

界喟然與歎爰博搜志乘旁詢耆聞採其紀實蒞厥繁蔓編輯而謀之剞劂

廣寧縣志

國朝審堯采修康熙三十三年

堯采涑水進士知縣

堯采序畧志自前令閩嶠黃公始其時新經兵燹大綱雖存細目未舉亦勢使然余補其缺漏重加剞劂

廣寧縣志十卷

國朝李本潔修三水梁喬棟輯乾隆十四年本潔知縣喬棟進士

廣寧縣志十七卷

國朝黃思藻修邑人歐陽振時等輯道光四年思藻湖南舉人知縣

開平縣志

國朝薛璧修邑人甄芭張國祚輯康熙十二年甄芭陽舉人知縣

甄芭序畧縣治新建方二十餘年前未作志事多簡畧凡所稽考皆得之郡邑遺獻遺文之間阮通志芭學問淵

茂順治丁酉舉於鄉修邑志一本至公按國祚順治拔貢

開平縣志二十四卷

國朝陳還修東莞陳阿平輯康熙五十四年抄本還知縣

陳還序畧康熙戊辰特召儒臣修一統志已丑復命修方輿考畧前官薛君屬邑人甄君等始修邑乘草創未

備未刻成書甲子詔遣與國使者繪南方九省之圖星

輅至粵還聞而悚惕志乘有缺無所取裁乃開局聘東莞陳生阿平以董其事而武林曹子克明共為參校凡五月書成爰登梨棗

開平縣志十卷

國朝王文驤修李科張綬琮等輯

加庚吉士李科訓導新會舉人同輯邑舉人張綬琮拔貢

鶴山縣志

國朝劉繼修

劉繼樂平舉人知縣

繼序畧鶴邑新設二十餘稔當建縣時前令黃最峯著鶴

山書彙政事文章於一編授諸梨棗所叙志草獨從缺畧

鶴山縣志十二卷

應達輯道光六年

吳應遠序著書以知體例為先志乘之體例尤為嚴謹關

中八志最有名大要簡而能該詳而有法志書之美盡矣

鶴山舊志體例多可議蓋始創之難所以待後來者之修

飾也癸未冬秋厓徐明府來蒞任甫下車即修學宮改書

院善政具舉謀諸邑人以邑志屬余余固辭不獲命因取

舊志而澄汰之一一商之明府以爲定論甲申七月丁先

太孺人憂遂輟筆明府亦調南武去今鏘如吳明府接任

復行敦促大祥後再續成之然於舊志尙有汰之未盡者

桑梓之情未免圓融徇俗此余所以不逮古人也抑余聞

他邑修志往往因分修之人意見不同各有私遂至傳

爲笑柄而吾邑獨以屬之余更無異議又不足以嚴限相迫

雖曰賢令尹之明亦風俗之猶近古也此則余之厚幸也

夫

德慶府圖經 宋人撰不著名氏見與地紀勝

德慶州志六卷 明嘉靖十六年阮通志云辭臣字師阜

黃通志有橫州人舉人嘉靖十一年知州事

德慶州志 明梁大同輯據本傳舊錄

吳志梁大同號念敬德慶人有文行萬應選貢嘗輯州志

德慶州志 康熙十二年桓署州宗典學正俱舉人

德慶州志十八卷 國朝宋錦李麟洲修錦知州麟洲署州

封川舊圖經 宋人撰不著名氏見與地紀勝

臨封志 宋虞大中撰按與地紀勝嘗引之撰人見宋志

封川圖經 宋人撰不著名氏見遂初堂書目

封川縣志二十二卷 明方尚祖撰

天啟二年尚祖莆田舉人知縣

藝文

七

明邑人陳其蘊序云詢為吾邑之初志 國朝康熙二十
四年胡璿序云書成於天啟壬戌迄今乙丑越六十餘載
而得梓行豈非論繼久而始定亦經街鴻謨不吝湮沒云
爾 按此志在明人中尚有典則者胡璿續志雖失之畧

然自為一帙不沒前人
面目亦深得舊述之體

封川縣續志二卷 國朝胡璿修
康熙二十四年 璿署縣山陰人

開建縣志 國朝張冲斗修
康熙十一年 冲斗定遠舉人知縣

阮通志云原載邵志
序全不載舊志原委殊疎脫 按此

開建縣志十卷 國朝邵龍元修
康熙三十一年 龍元署縣江南人

開建縣志十二卷 國朝余瀚修
道光三年 按瀚知縣山陰人湖南

善化籍儒植 恩
貢嘉祥廩生

井研縣志 國朝陸文祖修
文祖高要舉人官井研黔江知縣

右地理類郡縣之屬

交廣圖 不著撰人
見宋志及黃通志

玉海熙寧中上以二廣邊機利害二十五條及邕州溪洞交洞圖三本並交趾述狀上之圖今缺不知作者

交南問答錄

明吳赴撰 赴高要人

右地理類邊防

厓山志

明許炯修 炯開平人

盧溪志

明潘鉞珩輯 國朝陳珙陳瑞陳捷重訂 潘陳俱新興人

頂湖山志八卷

國朝本山慶雲寺釋成鷺撰

趙宏燦序畧余總制兩粵駐節端州聞州治東北二十里許有頂湖一山崒嵒蒼翠山深而泉美巔有湖四時不竭邑人嘗禱雨於此林木葱鬱峯巒環抱中乃慶雲寺也有老比丘成鷺者墨名儒行學廣道高州之紳士延其住錫焉於是修闢山場講明戒律又慮日久復湮乃纂述山志纖悉畢載俾後人按籍而知名利之由來誠勝舉也丁僉事總其成而授之梓丐余言

案此書又題頂湖山慶雲寺志故阮通志畧遂以寺志屬之成鷺而以山志屬之丁易以丁僉事嘗總其

成而授之梓也判隸兩門其實同為一書悞分之耳

右地理類山川

桂林風土記一卷 唐莫休符撰

欽定四庫全書提要休符里貫未詳此記時在昭宗光化二年休符以檢散騎常侍守融州刺史其終於何官亦莫能考也四庫簡明原本三卷今佚其兩卷目錄凡四十條今亦佚其火山採木二條其敘述風物頗為雅贍所載諸詩亦多他書所未及全唐詩所錄張固等十人詩即據此收入唐人著述日稀不以殘闕廢也

封川野志 明陳錠撰

封川野志二卷 明蘇喬撰

臨封野志 明岑一撰

按陳其蘊序封川縣方志云先輩陳君錠蘇君喬岑君一熊嘗撰野志乃錠本傳則云所著縣志惜不傳蓋縣志二字揮言之耳茲故列錠於蘇岑之前而縣志仍以方志為先

黔志 明黃璉輯

楚南紀畧 國朝謝仲坑撰

征西紀畧二卷

國朝陳子楨撰

桂嶺八簡一卷

國朝溫順撰
順字順山德慶人原貢生官州吏目

右地理類雜記

藝祖廟謨百篇

宋李大性撰

政紀

明莫如善撰
如善恩平人

地方議

明岑一魁撰

補迂集六卷

國朝溫承恭撰
承恭德慶人

按此書攷論政治得失

右政書類

典故辨疑二十卷

宋李大性撰

直齋書錄解題清熙十三年校進
自序畧曰仰惟皇朝

聖明相紹紹明良之懿著在青史坦然明白信以傳信而

紳相屬佔畢益繁私史薦興說令錢年朱紫苗莠混為一

區熙朝盛美未免蒙翳請畧舉數端言之如梅堯臣碧雲

駮非堯臣所撰孔平仲雜錄非平仲所述建隆遺事以王
禹偁名而實非禹偁志怪集括異志倦遊錄以張師正名

而實非師正凍水記聞雖出於司馬光而多所增益談叢雖出於陳師道而多所誤盤以至王安石而多所錄蔡條國史後補又皆不足以取信儒者俱常言之而未之詳辨也矧其言者乎蓋嘗推其信品為說滋夥數其差舛不能殫述雖云燭火之衆於大明何傷而微塵縹埃非全鏡所宜有也然則丹鉛點勘悟疑辨惑匪書生職歟臣大懼私史踏駁或為正史之蠹輒擷其才無奇特之見固不啻自置於多未見之書檮櫟之孤忠率率所欲辨明懷不能已非敢題之域以干嚴誅而孤忠率率所欲辨明懷不能已非敢遠慕昔人作指瑕糾繆之書以招攻訶之誚獨取熙朝美事及名卿才大夫之卓卓可稱而其事為野史語錄所翳者辭而明之參其歲月質其名氏爵位而考證焉其或傳問異詞難以示信以意逆志雖知其非而未有曉然依據則姑置弗辨其所辨者必得所證而後為之說焉所辨凡二百條釐為二十卷名之曰典故辯疑

史叅

國朝葉廣祚撰
廣祚號茶山新興人歲貢生
國朝馮以錫撰

鹽史摘辨

右史評類

交州先賢傳三卷

晉范瑗撰

南征錄一卷

明張瑄撰

欽定四庫全書提要 瑄字廷璽江浦人正統壬戌進士官至南京刑部尚書是編乃天順八年瑄為廣西布政使時值廣西諸峒蠻構廣東肇高雷連土寇為亂遣左參將范信都指揮徐宇督官兵四千土兵一萬討之以瑄臨其軍瑄因述其征勦始末為此書始于是年正月初二日止於三月初九日逐日紀載所述當日軍政殊無紀律蓋明人積弱自其盛時已然非一朝一夕之故也

嵩臺記

宋繆瑜撰

按瑜嘉泰二年任高要令阮通志藝文畧云瑜疑是宋人殆未細考瑜又有放生池亭記石室詩刻題名

七星巖志十六卷

國朝韓作棟撰

欽定四庫全書提要作棟字公吉鎮藍旗漢軍順治中官分巡肇高廉羅道按察司僉事七星巖在肇慶府高要縣城北一名崧臺一名定山故此書又名定山石室志也志本明王泮所撰作棟因而重修吳綺又為之潤色然有關考核者寥寥無多如石刻門于唐李邕石室記後乾道己丑秋一條以後人題名之年月誤為摹石之年月又載元符元年蘇軾正在儋州安得有挈家至七星巖之事蓋據曹學佺各勝志所載而不知為傳謬之文也

交州異物志 漢楊孚撰 孚字孝元南海人後漢議郎

交廣二州春秋 晉王範撰 黃通志有

吳書孫策傳注臣松之太康八年廣州大中王範上交廣二州春秋

交廣記 晉黃恭撰 黃通志有

廣州人物傳交廣素缺修載自王範始創為之其後有黃恭字義仲者復著交廣記 阮通志云唐志祇有交廣二州記一卷為王範撰不云黃恭然王範所著本名交廣二州春秋見吳書注黃恭交廣記則見太平御覽與王範之書並引黃志 著錄是也

交州雜記九卷 不著撰人 見隋志注記士燮及陶璜事

春州記 宋人撰未詳名氏 見輿地紀勝

按阮通志云此疑即陽春志所載春州記一篇宋州守薛利和撰也然考利和所撰乃春州建置記見輿地紀勝者當另是一書

端溪書院志一卷 國朝趙敬襄撰 按敬襄字司萬江西嘉慶己未進士

志內論陳白沙云明倫學衍之分自白沙姚江始然姚江
之學病在於不分義利趨之者衆流弊無窮先生則觀天
人之微究聖賢之蘊充道以富崇德以貴天下之物可愛
可求漠然無動于其中出其門者多清苦自立是謂江門
之學孤行獨詣其傳不遠蓋無可資以爲利故勢不能遠
其廉頑立懦之功固當在姚江上也論湛甘泉云其設教
以隨處體認天理爲宗旨曰此吾六字符也勿忘勿助其
庶幾乎先生之學出於白沙白沙靜中養出端倪六字偏
於靜存先生六字偏於動察蓋各舉生平得力之一偏而
言然視良知家之一槩抹煞猶爲此善於彼矣論黃泰泉
云先生之學以博約爲宗旨不囿於陳湛所傳最爲無弊
其詩吐屬冲和粵東風雅自南園五子後至此而一振春
夜大醉言志有云倦游却憶少年事笑憶如花歌落梅自
註以爲欲盡理還之喻蕪苑卮言謂此乃才伯爲美官講
學恐人得而持之故也然果懼爲人所持何不立此語而
諱之當仍是欲盡理還之意耳論盧冠巖云先生受學於
黃泰泉駁陽明格物之說極爲明快其畧云陽明子謂學
求知就善就惡必不能爲善而去惡如所云是先爲善去
惡而後求知善就惡必不能爲善而去惡如所云是先爲善去
後矣後學推演其義以致知爲體格物爲用致知在致知之
物反居後至以鏡譬之謂知如鏡之明致則磨鏡格則鏡
之照物夫鏡必磨而後照今格以照之而後致以磨之是
先用之照而後磨大學曷不言致知而後格物耶此論極
中良知家要害先生以不得及陽明之門爲憾蓋憾不得

面質所疑爾非以為是而從之也論唐昭臺云陽明從祀孔廟先生疏言不宜從祀六經無心學之說孔門無心學之教凡言心學者皆後儒之誤守仁言良知新學惑世誣民立於不禪不霸之間習為多疑多似之行招朋聚黨好為人師後人效之不為狗成則從鬼化矣先生從祀一疏蓋當時舉世所不能言可為卓識

案敬襄是書主講端溪書院時撰書院向祀明儒陳

白沙黃泰泉諸先生凡二十人

詳建

置門敬襄綜其事蹟

學詣輯為小傳持論平允有裨學術為撮錄其要指

云

子部

蛻齋講學

宋譚惟寅撰

性理膚說四卷

明何述撰述開平人

遺教錄

明嚴縷撰縷高明人

記講緒餘

明嚴逢撰逢高要人

躬行日省錄

明羅一中撰
一中高要人

蒙訓須知

明郭永達撰
永達四會人

修德會實錄

明勞守謙撰

善性編

明梁維梓撰
維梓廣寧人

南都會講錄

崇正闢邪錄

明區大倫撰

約旨

格言

明周建仁撰
建仁廣寧人

性理錄

國朝李潤林撰

小學後書

國朝楊敬修撰
敬修高明人

尙志堂言行日錄

國朝馮以錫撰

通書說畧一卷

國朝鍾仲裕撰

陳昌齊後序畧懋亭遠於易學余以乙酉選拔得綴譜末
自丙戌北上迄今首尾凡十年日與談論而終莫能悉其
底蘊所著易準等書尤為發前人所未發以未經脫稿故
不獲窺全豹所見者中庸說畧通書說畧耳余於懋亭無
卷之二 藝文 二

能為役然慈亭所學蓋有志焉讀是書而言論理路昭若發蒙矣

右儒家類

采艾編

國朝葉廣祚撰

右醫家類

潛虛述義四卷

國朝蘇天木撰
天木字戴一高要歲貢

右術數類

印譜參微

刪補古今棋萃

國朝潘嘉璧撰

右藝術類

荔譜參

國朝葉廣祚撰

右譜錄類

水城記

宋梁弼直撰
弼直高要人

剩語二卷

明李文明撰
文明閩平人今隸鶴山

山居日錄

明陳桂芳撰

草元講義

明羅一中撰

仕進錄

明孔學禮撰

三教會編

代藝賢已稿

明莫如善撰

景賢錄一卷

明易之教撰
之教鶴山人

家錄

明羅煥章撰

煥章高明人附羅黃裳傳

粵大記煥章字美充嘉靖己酉鄉薦官至荆
藩審理著仕學類編及家錄十一種行世

貽穀碎言

明勞守謙撰

端谿日錄

明區大倫撰

家訓顏甲集

明李初榮撰
初榮高要人

逸紀

吾豫漫筆

明易奇際撰

燕邸旅言

明區懷年撰
懷年高明人

卷二十七

藝文

詩叅 茶山月令 國朝葉廣祚撰

古今紀畧二十五卷 國朝陳偉撰
偉陽江人

述古家訓 國朝劉裔核撰
裔核陽春人

青山外史 國朝易安撰
易安鶴山人

行法錄 國朝劉士課撰

平寇志 國朝馬益昌撰
益昌新興人

懿行錄 國朝馮九章撰
九章字君容鶴山人遷於易春秋

教民俗語 國朝龔朝瑛撰
朝瑛四會人

聖諭十六條使家諭戶曉見吳志

家規集訓五卷 國朝鍾仲裕撰

家訓一卷 國朝蘇天木撰

庭聞錄一卷 國朝陳子檉撰

晚香堂家訓二卷 格言彙錄二卷 夢說一卷 國朝吳槐炳撰

鶴山人撰

撮囊八卷 國朝王宗烈撰 宗烈高要歲貢

隨得錄二卷 雜論偶記一卷 國朝溫承恭撰

右雜家類

仕學類編 明羅煥章撰

羣書拔萃 分門玉屑 明劉時可撰 時可高明人

事物權輿十七卷 紀齡彙典十卷 國朝王宗烈撰

右類書類

金剛般若經口訣正義一卷 唐惠能撰 見唐志 按惠能今新興人

金剛大義訣一卷 唐惠能撰 見宋志

仰山辨宗論一卷 唐惠能撰 見宋志

藝文

六祖解心經一卷 唐惠能撰 見讀書志

六祖解金剛經一卷 唐惠能撰

讀書志六祖金剛經凡六譯其文大抵多同時小異耳

六祖壇經二卷 唐惠能撰

讀書志唐僧惠能授禪於宏忍韶州刺史韋據請說無相心地戒門人紀錄曰壇經盛行於世

六祖壇經一卷 唐惠能撰 按文獻通考作惠眇

讀書志記僧盧慧能學佛本末慧能號六祖凡十六門周希後有序

六祖壇經三卷 唐釋法海撰 見書錄解題文獻通考作三卷今從之

欽定全唐文法海六祖大師法寶壇經畧序大師名惠能父盧氏諱行瑄母李氏誕師於唐貞觀十二年戊戌二月八

日子時時毫光騰空異香滿室黎明有二僧造謁謂師之

父日夜來生兒專為安名可上惠下能也父曰何名惠能

僧曰惠者以法惠施眾生能者能作佛事言畢而去不知所之師不能乳夜遇神人灌以甘露既長年二十有四聞經悟道往黃梅求印可五祖器之付衣鉢令嗣祖位時龍翔元年辛酉歲也南歸隱逸一十六年至儀鳳元年兩子

正月八日會印宗法師宗悟契師者是月十五日普會四
衆爲師薙髮二月八日集諸名德授具足戒西京智光律
師爲授戒師蘇州慧靜律師爲羯磨荊州通應律師爲授
中天耆多羅律師爲說戒西國密多三藏爲証其戒壇乃
宋朝求那跋陀羅三藏創建立碑曰後當有肉食菩薩于
此收戒又梁天監元年智藥三藏自西竺國航海而來將
彼土菩提樹一株植此壇時亦預志曰後一百七十年有肉
身菩薩于此樹下開演上乘度無量衆眞傳佛心印之法
王也師至是視髮授戒及與四衆開示單傳之法旨一如
昔識祖猗禪阮野軒手疏均極稱揚次年春師辭衆歸
寶林印宗與縉白送者千餘人直至曹溪寶林觀堂宇湫隘不足
容衆欲廣之遂調里人陳亞仙曰老僧欲就檀越求坐具
地得不仙日和尙坐地具幾許闊祖出坐具示之亞仙唯
唯祖以坐具一展盡擧曹溪四境四天王現身坐鎮四方
今寺境有天王嶺因茲而名仙曰知尙和法力廣大但吾
高祖墳墓並在此地他日造墓寺望存留餘願盡捨承爲
寶坊然此乃生龍白象來脈只可平天不可平地寺後
營建一依其言師遊墳內山水勝處輒憩近遂成蘭若一
十三所今日花果院隸藉寺門茲寶林道場也先是西國
智藥三藏自南海經曹溪口掬水而飲香美異之謂其徒
曰此水與西天之水無別溪源上必有勝地堪爲蘭若隨
流至源上四顧山水迴環峯巒奇秀嘆曰宛如西天寶林
山也乃謂曹溪村居民曰可於此山建一梵刹一百七十

年後當有無上法寶於此演化得道者如林宜號寶林時
韶州牧侯敬中以言具表聞奏上可其請賜寶林為額
遂成梵宮落成於梁天監三年寺殿前有潭一所龍常出
入其間觸燒林木一日見形甚巨波浪洶湧雲霧陰翳徒
眾皆懼師叱之曰爾只能現大身不能現小身若為神龍
當能變化以小現大以大現小也其龍出沒俄頃復現小
身躍出潭面師展鉢戒之曰爾且不能入老僧鉢盂裏龍
乃遊揚至前師以鉢召之龍不能動師持鉢上堂與龍說
法龍遂銳骨而去其骨長可七寸首尾角足皆具留傳寺
門師後以土石湮其潭今殿前左側鐵塔處是也龍骨在
罷兵大因失
不知所之

法寶壇經二卷

唐惠能撰

明憲副李材刻并序 國朝知縣李長慶等重刊

諸寺說法集

頓教理法經

唐惠能撰

六祖傳一卷

不著撰人見阮通志

右釋家類

參同契轉解

明陳桂芳撰

道德經注 金丹會緝

國朝易方撰

右道家類

鐸言 吾師錄

國朝霍雋華撰
雋韓陽春教諭

端溪硯譜一卷

不著撰人

欽定四庫全書提要末有這熙十年東平榮芭跋曰右籍雲
葉機交叔傳此譜稍異於衆人之說不知何人所撰稱徽
祖爲太上皇必紹興初人云云是當時已不詳其出誰手
矣其書前論石之所出與石質石眼次論價次論形製而
終以石病考端硯始見李賀詩然柳公權論硯首青絳二
州不言端硯蘇易簡文房四譜亦尚以青州紅絳硯爲首後
端硯獨重於世而鑒別之法亦漸以精密此譜所載於地
產之優劣石品之高下皆剖晰微至可以依據至於當時
以子石爲貴而此獨辨其妄榮芭以爲稍異於衆人之說
蓋指此類然自米芾硯史既云徧詢石工未嘗有子石語
爲滄沈縣尉嘗親至端州得其詳而其
言正與此合亦足以知其說之確也

端硯圖一卷

不著撰人
見宋志

端硯譜

不著撰人
見遂初堂書目

端溪硯石考 未詳撰人 見檀几叢書

硯錄一卷 國朝曹溶撰 見鄭堂讀書記

硯林拾遺一卷 國朝施澗章撰 見阮通志

欽定四庫全書提要潤章奉使 廣東時記所見端溪石品

端溪硯志三卷 國朝吳繩年撰

阮通志云繩年錢塘人肇 慶知府乾隆癸酉撰是書

遏惡傳一卷 明靈璧王澤為鶴山李渭撰

明莊定山景 序見鶴山志

集部

司徒掾陳元集一卷 漢陳元撰 見隋志

士燮集五卷 吳士燮撰 見唐志

莫孝肅公詩集 唐莫宣卿撰 宣卿今封川人又隸開建

欽定全唐文白鴻儒序曰唐宣宗大中五年龍集辛未歲科

求賢合天下士對策於大廷應傳以莫公宣卿為第一公

字仲節廣南封州人也所產之鄉曰文德所居之里曰長

樂厥考諱曰讓仁雖不仕亦有隱德蚤年不祿母曰梁氏

悲公孤立無依改適繼父亦莫氏諱及芝及開建籍也公

隨母往并而為昆仲者三長曰莫傳次曰莫羣公年最少

乃其季也繼父亦樂善好施歲歉則出粟以周鄰里嘗遣

二兄習讀公幼在側天性迥異聞言即悟甫七歲資識

然手不釋卷過目輒成誦時人目為神童入郡庠從遊於

梁明甫先生梁母尤嚴於內訓試於有司薦於大廷對揚

清問首魁天下初典翰林未服官政後以老母具表陳情

乞官外補以便就養上可其奏賜官台州別駕歸省迎母

未至官所而尋卒故里葬之於文德鄉鐸鼓岡咸通九年

封州刺史李邦昌上其事於朝欽奉上勅為唐正奏狀元

莫孝肅公祀以廟食表其里居曰文德鐸鼓岡咸通九年

嘗之需永為常典公自幼以至登第所撰詞賦詩歌皆操

筆立成誦而詠之如真金玉不落形迹如化工生物猶不

事性默而生氣宛然如在也及今公族子姓言動氣象猶

有公之遺風雖鄉曲五尺童子與夫田野愚夫愚婦皆重

公名莫不喜談樂道之凡遊於庠序者莫不賢其賢守其

宗祀者莫不親其親得非狀元公神化之所感也耶是請

也公之嫡孫莫立之郡之庠生也述公行實以告且請予

為記以垂悠久余無以叨治公郡恨弗獲覩公而徒慕公

肇慶府志卷二十一

案白刺史序文亦見吳志及封川縣志小有異同者數字

松江集五卷 宋石處道撰 處道今德慶人

黃通志有又見粵大記

李伯先詩詞集 宋李熙載撰 熙載今德慶人

曾子龍集 宋曾羅撰 羅陽江縣人

樂靜遺稿 元陳宗錫撰 宗錫德慶人附見其子陳立傳

吳志宗錫為撫猺舍率猺人貢日事之遂遂不返

樵雲集 明李質撰 質德慶人

梁彥良詩文集十卷 明梁臨撰 臨開平人

雲萍集 明梁敏撰 敏高要人

詩文類集百二十卷 明陳迪撰 迪四會人又見粵大記

竹屏稿 明梁致育撰 致育高要人

三李集 明李質李穆李伯震撰

阮通志穆質之弟與質次子伯震齊名穆有牧隱集伯震有巢翠集

牧隱集 明李穆撰

巢翠集 明李伯震撰

潭底月詩一卷 明陳衡撰

交州行稿 金陵行稿 明張秋澗撰

吳志秋澗為黎疏坡門人員才名早卒

澹齋集十卷 明梁繼灝撰

陳汝為集 明陳宜撰

吳志宜靈璧教諭與莊景往來最為所重同考江西薦羅欽順首解

漁樵子漫稿二卷 明何述撰

青玉軒集 明譚南昌撰

南昌高明人

白龍詩集

一卷

明李渭撰
渭鶴山人

解雲集

明吳尚質撰
尚質高要人

浮山集

明梁伯鴻撰
伯鴻高要人

寒泉遺稿六卷

明陳經綸撰
經綸開平人今隸鶴山

黃通志作陳序詩集岡州遺稿經綸字汝學新會渡磨人也弱冠領成化癸卯鄉薦第一丁未進士觀政禮部纂修成化實錄

實錄

亦山集

梅花百詠

明李江撰
江開平人

有定集

明嚴逾撰
逾高明人纓子附傳

廬居稿

明嚴貫撰
貫高明人

品雲集

明譚宗懿撰
宗懿高明人

輝蟬集二卷

明易之教撰

屏桐遺稿

明姚仲韶撰
仲韶高要人

吾野漫筆十三卷

明許炯撰

欽定四庫全書提要詞字吾野新會人嘉靖辛卯舉人是集凡文七卷詩六卷前有自序謂少時不慧從羣兒騎竹馬黏蜻蜓捕鳥雀為戲未幾病疴忽劇夢一父老出袖中書授之俄墜而覺自是遂能把筆作詩其一卷首篇述戒稱有通元先生過而誨之云云蓋才而無所師法者故其漫書各篇內謂范仲淹陽雄之流也胥於僭矣蘇洵荀卿之流也陸於詳矣又謂蘇洵辯姦嘗王安石也吾以為洵亦安石之徒云云皆率意一往不復挈以規矩者也

元山集五十卷

念山小集

詩壇元覽

明羅一中撰

鳴真集

明黃衮撰

益吟稿

明李一龍撰

嚴居集

阮溪草堂集

明區益撰

阮通志益字叔謙嘉靖庚子舉人官至同知子大樞大相大倫

滄溟一螺集

明羅兆鵬撰

莫士明文集

明莫如善撰

梅花百詠 明陳顯撰

劉良弼詩集 明劉夢錫撰

梁湖集 明劉時可撰

瑞溪文集 明梁維梓撰

振雅堂稿 廉江稿 岳陽稿 明區大樞撰

見嶺南文獻

區大史詩集二十七卷 見明志 前後使集 圖南集 濠上

集 區大史文集十二卷 明區大相撰

大相前使集自序曰國家歲遣使臣分册藩邸至盛典也
乙未歲余與檢討林君請往會有正史役主者難之予曰
今開局編纂所據者累朝實錄與諸司職掌耳至於郡國
正俗利病非詢訪不能備由是得行而予得淮藩捧世子
封冊是在江湖間以五月六日發潞水出天津溯清踰濟
以達於徐浮於淮既渡江陟金陵徘徊京口湖皇風於雲
陽傷伯跡於姑蘇觀潮於錢塘訪逸於嚴陵問途懷玉以
次于鄱陽是秋七月抵家予家在溫川而別業在五羊先

返瀘川省先人廬舍謁墳墓而後還五羊其明年春二月
赴京道出廬山下德安某合德通子遊乃稅駕于天池返
旆於東西林波潯陽從黃梅折而西入中州將為嵩少游
同年臨穎令高君復德通子行值雨雪連日停車二室薄
采三花少林之槐嵩陽之栢稍着履跡而已既循周鄭經
大梁趨鄴下歷趙指燕以歸於京嗟乎予既邀惠王靈幸
不辱命又得乘使車之便紆迴道路同諮慝覽時非恩遇
哉是役也得詩近三百篇賦一記二時復檢閱到某處得
某詩山川風景一在日庶幾不負輜軒友人和叔公
幹兄弟咸自命詩家鍾嶸以為可傳也遂與家人汪叔公
先生共詮次之好事者遂攜以爲南都集自序曰冊封使之
述所由見斯行之非偶也又後使集自序曰冊封使之
再遣也與遣及官僚也自予始也故使集自序曰冊封使之
過家畢使即行其得乘傳遊也遊而紆迴歷覽也自予始
也故事使車所至地主爲飭庖傳嚴僕御行李往來供其
缺乏而已其以境內各勝聞也且導之遊也自予始也故
事封使乘傳而出及瓜而還無踰期者其以病請也請而
得報可徐行也自予始也非夫君相恩遇克有此乎辛丑
歲予再遣得周藩是時畿輔大飢道上所見彌傷心目鄴
之故都殷之遺墟與夫美里之臺銅盤之銘皆在焉既而
玩淇竹劉蕢箭武之府聖也入蘇門則思曠徒之遺世也
畢事周郎出訪梁園則慨然於孝王賓遊文武之盛也與
汴宋之興亡也而巡撫曾公則謂予曰從此南行過鄴州
路可遠嵩山若稍紆而西上龍門窺砥柱循洛東行亦可

達嵩山同行者喜鄭州路近已聞洛中路不甚紆尋悔之
而時於二室登望焉右眺左矚是陰陽之所交也風雨之
所會也而周公之所經營也是舜禹伯翳之所避位也是
申甫之所生巢許之所問道而成鼎也南趨宛鄧則具茨空同襄
城首山是軒皇之所躬耕而吟梁甫也方城峩峩是漢光武
之所與而孔明之所躬耕而吟梁甫也方城峩峩是漢光武
之張楚也又南陟滄浪登元嶽浮襄漢以盡於荆郢是
孺子之所歌也漢女之所遊而被化也召穆公之所疆理
而樊侯之所封也晉室諸賢之所登臨興嘆而思托不
朽也西望巴巫東引雲夢沃壤千里是又英雄之所爭也
又南尋岳陽臨洞庭汎瀟湘上祝融望九疑窺虞帝所葬
處低徊久之遂下淠川以歸是爲歲之陽月其明年春二
月赴京行至淠江病不能前其疏綴節請寬限得旨沿途
調理稍間畧涉嶺外諸勝癸卯冬辭家甲辰夏六月返於
京往來所歷輒紀以片言而附以還家所作近得詩歌雜
體近四百篇嗟乎余之荒於遊而溺於職也於是客有譏
予不陳時政而放情遊詠者乃設應之曰古者史官陳詩
采風以觀國俗而放情遊詠者乃設應之曰古者史官陳詩
傳曰王者之迹熄而詩亡春秋繼詩而賞罰者也故曰仲
尼述史三者之迹熄而詩亡春秋繼詩而賞罰者也故曰仲
本王風之所以衰也是風人之義也今陳詩百而諷一猶然
陳說又無補於時政乃其終不可廢勸百而諷一猶然
爲之耳嘗以一帙寄示友人江公幹公幹曰從古作者羈
遊登詠人不數篇未有若此盛者復與用環家兄詮次焉

好事復竊而刻之子又不能止并述所以作之意如此

端溪詩稿

江門游稿

江洲存稿

明區大倫撰

大倫益子大樞大相

弟與大相同榜進士

螺源社集

明陸象賢撰

蘇壤遺稿

明為一夔撰

詩野集一卷

明任六推撰

觀光草

靜堂集

明楊蕃撰

借壺軒詩

蒲口編

麥新編

華陽洞稿

明黃捷撰

台陽集二卷

明余鏗撰

新會舊志鏗萬歷壬午舉人融縣知縣吳應鴻繫獄鏗左右之

蘇康谷詩集二十卷

明蘇忠撰

長嘯集十二卷

明趙良撰

良說新與人

張允彬詩集

明張鴻撰

騰虛遺稿

明何熊貞撰

尙友稿

信安稿

明劉景廉撰

高明區大倫序其家藏集阮通志作劉孟循稿

月窗文集

明陳國撰

情言集

明劉廷輔撰

野鳴集

明吳馴撰

遊滁稿三卷

明懷瑞撰

韓節愍集韓上桂序畧區太史海目先生以文章擅名海內令子啟國紹而振之其遊滁詩則往省太史時作也余

從太史遊者師事之與啟國為共社因論敘其次以見吾粵有區氏父子焉

二嶽遊稿二卷

燕吾游稿正續集七卷

玉陽稿八卷

撰

阮通志云序
見蓬影閣集

超庭稿 琅玕集稿 廓然堂稿 證往堂稿 雙源洞稿

碧山草堂稿 明區懷瑞撰

元超堂稿 明區懷年撰

薛始亨序今天下談詩罔管夫人皆然然則詩當盛而反
衰何也非其才之不宏學之不博思之不渺而唯取則之
不正故也說在唐太宗之論弓矣詩學之不變於古則吾
粵惟然要亦不數數也國初若孫若黃王李趙奮起於草
昧是為五先生繼而黃泰泉梁蘭汀歐崙山黎瑤石李青
霞吳而詩區海日先生後先振響繼繼皇猷使曲江復作
追宗開元殆無以過之矣荷欽盛哉迨其季也丁運陽九
鼓輦動而絃誦哀而吾黨二三同志猶不以亂離輟業卓
然自命者若而人海內久耳而目之其尤著者則日海日
先生之仲子叔永叔永弱冠有聲文壇中甫受餼卽與拔
儔上公車緣資性簡率不樂為郡縣吏優游泉石者垂二
十年神鼎橋遷之際隸脫未見為郡縣吏優游泉石者垂二
為翰林供奉絲綸執掌尋以病乞歸未幾而天下事竟不
可問叔永益韜晦通跡隱憂孤憤微寓於詩其詩深泓婉
麗得風人之趣而選體最工至五七律則又極追琢之巧
可謂金玉其相矣嗟乎以叔永之才使居成宏嘉隆間則

肇慶府志 卷二十一 藝文

三

諸先生不得擅美顧遺時多難老於遐陬徒以休廢詞臣
吟風醉月如李白橫落湖海世無韓荆州孰堪告語詩人
之窮千秋一揆信非誣矣然叔永脫中有神猶能蔚發其
所未盡如杜甫夔州時也倘非見地過人善於取則能若
是耶或曰區子潛心柱下識力自起故頃遇世紛囂無所
累晚復博綜內典一時緇素多就質疑稱爲天童先生云
審爾則叔永所學已根極於性命要非文事可足較量方
且洞元而入禪卽聲韻一班皆其遊戲三昧耳會續刻成
概述其
概如右

楚鄉亭稿

石洞遊稿

一嘯集

擊筑吟

明區懷年撰

平寇集

醉翁集

梅花詩

明黃邦鎮撰
邦鎮高明人

拂劍草

僑梧集

大易堂集

明易奇撰

竹素稿十二卷

明區日章撰
日章新興人

桂山草

明周裕廷撰

蓼花窗稿

明楊從堯撰
從堯高明人

燕京集

風韻集

荔枝集

明黃宇詒撰
宇詒陽春人

康山集四卷

明麥而炫撰
而炫高明人

松麓文集

國朝梁經撰
經新興人

東樵遺草

國朝易訓撰
訓鶴山人

陳恭尹序鳳皇所以為天下重者豈謂其毛哉弱翠也孔
雀也澤雉也使與鳳皇角其文采鳳皇未必不勝而鳳皇
耻之矣然則論士而次於語言文字之閒不既末乎彼志
士者方且挫其鋒芒埋光內照壽不壽朽不朽一也不朽
其夢也朽其覺也壽冬夜之長也不壽夏夜之短也彼視
以其身名落之人問猶辱之也情乎吾友同州易訓宣人
不幸而若是宣人名父之子有賢伯季四五人而自以
非其時蹙蹙乎其不樂也自垂髫以往出則千里求友入
則閉一室而求性命未嘗有無謂之行奉其父母既自其
邑而之山間又徙而之蒼梧汲汲乎其不能一朝居也嗚
呼惜哉得二十有人以卒卒之後其季兼人綴遺詩為一
帙梓之非宣人志也夫宣人之志不必壽不必不朽雖然
而既不得其壽矣又不能使之不朽則朋友之責也詩以
言志宣人之早歿也未臻絕詰要其孤潔明秀之氣可得
而掩乎雜雜鳳之毛於孔翠
問而不能別者非有目者也

雲華子詩集二卷

坡亭詩餘一卷

國朝易宏撰

雲爲骨月露爲懷每寄心有恨之人而興哀無情之地時
於山巔水涯叢林破塚荒墟古廟殘城廢苑戰爭之場歌
舞之地吊遺香於夜月哭舊壘於秋風輒爲徘徊不能去
其間山川登臨河梁遇合得以愉快而無憾者則有天幸
焉岳五也予登者四其餘勝蹟名山仙靈窟宅與夫綺羅
佳麗文酒烟花之場爲遊人士女所歌呼而管絃者無不
縱恣而極樂焉豈非天哉故有所閱歷詩以紀之其不及
紀與紀而不及存者尙十倍焉嗟夫方夫得意而書也收
山川林壑於毫端吐月露風雲於紙上琴招艷魄詩感山
靈其中神怪鬼異花情柳態詳言而悉述之以資笑談之
一察亦一時遇合之奇而興致之樂哉然樂者哀之先而
合者睽之始異日酒餘夢醒展讀徘徊憶其地之或遠或
近其人之或存或亡生死交情前摩往事將有掩卷哉吁
而流涕不禁者是知東風無不謝之花碧海少長圓之月
而嘆行樂及時時已晚者豈不惜哉况夫僕本庸人時逢
幻遇茫茫千古振往事之何窮脈脈寸心問他年而誰解
楊子雲曰後世有楊子雲者當知之矣芙蓉城客雲華子
書吳興昨題辭思入風雲傳絕響力窮天地識驚才
驅鮑庚歸毫穎平揖判高入酒杯緩嶺月明懷往事楚峯
雲起憶荒臺三年不斷揚
州夢莫是前生小杜來

蓮軒詩集

國朝譚良泰撰
良泰高明人

燕遊草 東山集 番山集 國朝黃鯤翔撰

東山別集 國朝吳廷相撰 廷相鶴山人字佐君獻之子附傳見縣志

陳恭尹序

成菴文集 白鶴山樵詩二卷 國朝溫潤撰 潤封川人有傳

賞奇軒集四卷 國朝劉奇炫撰

伍洛侯詩賦遺稿 國朝伍頌之撰 頌之開平人

螺翠詩文集 國朝馮臚高撰 臚高字公章鶴山人

我聞軒稿 國朝楊公俊撰 公俊陽春人

漪園石社詩 國朝蘇雪鵬撰 雲鵬陽江人

南郭隱居詩鈔 國朝甘清芬撰 清芬新興人

山海詩集 國朝劉士課撰

見性詩集 國朝譚錫蕃撰 錫蕃高明人

三子集 卷二二 藝文

蠅笑集

燼鳴集

笑鳴集

國朝潘嘉璧撰

石渠集五卷

國朝黃有鳳撰
有鳳鶴山人

青雲集三卷

國朝溫可坂撰
可坂德慶人

崧臺集

國朝李惟揚撰
惟揚陽春人

南亭集

國朝徐士宗撰
士宗德慶人

鵝湖家塾詩文稿

國朝陸逢龍撰
逢龍字雲舒高要進士定南知縣

葦草前後二集

國朝楊迪修撰
迪修高明人

寄廬文集

寄廬詩集

國朝梁瑋撰
瑋字劄子新興人歲貢生

花笑軒詩文集十餘卷

排律二卷

禱菴十餘卷

林問譽

撰

西園遺集

國朝謝揆撰
揆陽春人

古處堂詩集

文集

國朝潘世德撰
世德新興人

蓬萊集

鴛帷恨譜

國朝馮九章撰

雁洲草堂稿

海上小草

十九秋詩

國朝許綬撰
綬開平人

鳴和集

國朝許綬許簡撰
簡開平人綬子附傳

松園遺集

國朝吳尚澄撰
尚澄陽春人

山餘堂詩集

國朝謝仲坑撰

作針文集

國朝楊芳世撰

南溪餘韻一卷

國朝梁而珊撰
而珊高要人

蘭谷子集

國朝呂蘭芳撰
蘭芳字倚谷鶴山人歲貢官訓導

約軒詩稿

國朝王獻猷撰
猷陽春人

清溪小集四卷

國朝區準高撰

阮通志準高字德
國高明原貢生

日間詩集三卷

國朝區準亮撰
準亮高明人

國朝區準亮撰

準亮高明人

受月樓詩集

國朝李坤培撰

雲莊詩稿

國朝謝耀正撰

客鄔近草

國朝陸喬繁撰

介石公詩集

國朝李楠撰

西遊詩集四卷

賦一卷 國朝何日佩撰

西山集

國朝曾雲程撰

愛饒錄

國朝陳子杏撰

溫霽齋詩集一卷

文集一卷 國朝溫熙撰

八揆集三卷

國朝溫彥撰

霏筠學圃詩稿二卷

國朝溫順撰

宦蜀草

國朝陸文祖撰

晚香堂集四卷

岡州近稿一卷

花峯樵唱二卷 吳槐柄

撰

漱芳詩集

國朝呂淵撰

就刪草二卷

國朝彭輅撰
輅高要人

含英草堂集

國朝盧男侶撰

石畊偶存草

國朝溫瑞桃撰
瑞桃字瑞九德慶舉人官夏津知縣

栢香書屋詩鈔六卷

國朝莫元伯撰
元伯高要人

因游詩草四卷

湖山歌詠集

國朝李峯撰
峯字銳高德慶舉人官

常山知縣

春圃詩草

墨華軒集

國朝陸樹英撰
樹英高要舉人官鹽城知縣

愛日堂集二卷

國朝譚英撰
英陽江人拔貢生

裕文樓集

國朝徐中運撰
中運德慶人士宗孫

別蠹堂文集二卷

詩集二卷

國朝馮元釗撰
元釗字西愚鶴山人

蓬夏詩集

藝文

三

寄鳴集

國朝古堯民撰
堯民鶴山人

鶴山縣志藝文又採堯民袖中天
管見論二書未晰何義附錄於此

感懷詩集

國朝李延祥撰
延祥鶴山人邵諸生

露桃山館詩集

國朝梁增齡撰
增齡德慶人

溫漢臺詩集二卷

文集四卷

國朝溫瑞柏撰
瑞柏字茂承德慶人歲

貢生

溫岳山詩集

國朝溫周翰撰
周翰字興林德慶歲貢生

溫莊亭集二卷

國朝溫承恭撰

三十六洞天草堂詩存一卷

國朝何彬撰
彬字公度高要歲貢生

江上萬峯樓詩鈔四卷

國朝何元彬弟

海松閣詩鈔

國朝劉星潢撰
星潢新興人

秋芳園詩鈔二卷

國朝鄧奎中撰
奎中字寶臣陽春人諸生

西園詩集

國朝潘衍琳撰
衍琳字瑞洲新興人諸生

聚仙樓集

國朝甘大昕撰
大昕字蓉江新興人諸生

花萼山房詩鈔十四卷

國朝李雲鸞撰
雲鸞德慶人

篋中集

明余玉馨撰
見阮通志
以下名媛

廣州府志玉馨順德人進士余經女舉人許炯室
吳志
許炯開平人時目為神童余給諫妻以女亦知書能詩

小樓吟草一卷續草一卷

國朝謝方端撰
見阮通志

粵東詩海方端陽春人解元
謝仲坑女訓導劉世馨母

三聽樓詩鈔一卷

國朝鄒珊撰
見阮通志

女文苑珊字瑤軒恩平人戊申
舉人平原縣知縣馮德容妻

塗鴉集

國朝項湖山慶雲寺釋一機撰
以下方外
見阮通志

粵東詩海一機字圓捷番禺人李氏子先世多以
儒顯會國變出家住頂湖晚營一室顏曰芻廬

右別集類

唐四家文類

明許炯編
見吾野漫筆

古今奇文

明許炯編
見阮通志

桐自序器曰吾野子既集韓柳歐蘇為四家文類矣今年
春徙居籍溪之上杜門謝客復取古今之文而讀之其奇
詞險語絕去畦徑者展卷再四不忍釋手於
是復彙次之共百篇有奇各曰百段錦云

古今摘選

明潘鍊珩撰

嶠雅

明區懷瑞撰

粵臺徵雅錄懷瑞選粵詩自唐迄明凡五百餘
家各嶠雅刊傳未竟 國朝諸老猶見及之

蘇文箋

國朝李調林撰

唐人試帖注三卷

國朝林開譽撰

唐詩注釋三卷

國朝陳子檉撰
見前

古文詳說

國朝梁見撰

右總集類

詩法聚覽

國朝陸喬繁撰

張曲江集

訂訛一卷

留香齋詩談一卷

國朝吳槐柄撰

賦學譚跡

桐窗詩話

國朝溫周翰撰

右詩文評類

徹溪居士集五十卷

宋彭涪撰 以下附存
涪廬陵人熙寧進士守康州

祿隱集

宋張夔撰

夔字致堯潮州人政和進士知新州

知稼集

宋黃公度撰

公度紹興八年進士第一見史部

斐然集三十卷

宋胡寅撰

覆瓿集六卷

宋趙必瓊撰
見阮通志

欽定四庫全書提要必瓊字玉淵自號秋曉太宗十世孫居

於東莞咸淳元年與父崇誦同登進士初任高要尉攝四

會令再任南康丞文天祥開府惠州辟攝惠州軍事判官

入元後隱居溫唐村是集詩二卷長短句一卷文集二卷

附錄一卷必瓊治邑有惠政屬宗邦淪喪慷慨從軍其志

可取滄桑以後肥遯終身其節亦不可及詩文篇帙無多

在宋末諸家中未為穎脫然體格清勁不屑為靡靡之音
如一兩鳴蛙亂深夜數聲啼鳥怨斜陽諸句固未嘗不綽
韻也

野泉集

元梁伯謙撰
見阮通志

粵東詩海伯謙順德人至正甲午舉
人官至德慶路總管著有野泉集

漁唱集

元黎伯原撰
見阮通志

郝通志伯原東莞人明黎光
父元季歷德慶惠陽教授

直庵集

明黃琥撰
琥豐城人知府

泊庵集

明梁潛撰
潛泰和人四會知縣

思思堂詩集

明方尙祖撰

區大倫序畧莆田方侯博聞強記於乘籍靡不流覽而尤
喜為詩起家得臨封令封為端郡僉邑職事稀簡遂舒其
餘力遊意聲律或寄懷於理術或托興於民工或以抒一
體之憂或以暢四境之和非徒山川點簡草木平章已也
蓋已卓然能名其家識者當自得之臨封頻江負出其
安於田畝侯一切治取便民與之休息會康守缺侯治有

荔夢編一卷

國朝鈕琇撰

琇字玉樵吳江人高明知縣

阮通志云琇自編在高明時詩

嶺南集八卷

國朝杭世駿撰

世駿字大宗仁和人

召試鴻博授編修

金石一

聖祖仁皇帝宸翰

秋興賦 晉十有四年余春秋三十有二始見二毛以大尉掾兼虎賁中郎將寓直於散騎之省高閣連雲楊景罕曜珥蟬冕而襲統綺之士此焉游處僕野人也偃息不過茅屋茨林之下談話不過農夫田父之客攝官承乏猥廁朝列夙興晏寢匪遑底寧譬猶池魚籠鳥而有江湖山藪之思於是染翰操紙慨然而賦於時秋也故以秋興命篇其辭曰四運忽其化序兮萬物紛以迴薄覽花蔕之時育兮察盛衰之所託感冬索而春敷嗟夏茂而秋落雖末事之榮悴伊人情之美惡善乎宋玉之言曰悲哉秋之爲氣也蕭瑟兮草木搖落而變衰慘

慄兮若在遠行登山臨水送將歸夫送歸懷慕徒之戀
遠行有羈旅之憤臨川感流而嘆逝兮登山懷遠以悼
近彼四感之疚心兮遭一途其難忍嗟秋日之可哀兮
良無愁而不盡野有歸燕隰有翔隼遊氛朝興槁葉夕
隕於時乃屏輕箴釋纖絺藉芴蕝御袂衣庭樹撼以灑
落勁風戾而吹帷蟬嘒嘒以寒吟雁飄飄而南飛天晃
朗以彌高日悠揚而浸微何微陽之短晷覺良夜之方
永月朧朧而含光兮露淒淒以凝冷熠燿粲於階闥兮
蟋蟀鳴乎軒屏聽離鴻之晨吟望流火之餘景宵耿介
而不寐兮獨輾轉於華省悟時歲之逾盡兮慨俛首而
自省斑鬢彪以來弁兮素髮颯以垂頰仰羣儔之逸軌
兮攀雲漢以遊騁登奉臺之熙熙珥金貂之頽頽苟趣

舍之殊途庸詎識其躁靜聞至人之休風齊天地於一指彼知安而忘危兮固出生而入死行投趾於客跡兮殆不踐而獲底闕側足以及泉兮雖猴猿而不履龜祀骨於宗祧兮思反身於淶水且歛衽以歸來兮勿投紱以高厲耕東臯之沃壤兮輸黍稷之餘稅泉涌湍於石澗菊揚芳於厓瀝滲秋水之涓涓兮玩游鯈之潏潏逍遙乎山川之阿放曠乎人間之世優哉游哉聊以卒歲

孟頫 康熙甲子孟春臨

康熙貳拾捌年

皇上巡幸浙江於

行在賜 臣趙宏燦恭摹勒石

謹案右碑行書在端溪書院

皇朝月三
卷二二
含漱金醴吞玉英遂至不飢三蟲亡心意常和致欣昌
五岳之雲氣彭亨保灌玉廬以自償五形完堅無災病
上覩三元如連珠落落明景照九隅五靈夜燭煥八區
子存內皇與我游身披風衣銜帝書 甲戌四月臨董
其昌

謹案右碑行書在閤江樓

樂善不倦

康熙參拾捌年

皇上巡幸浙江於

行在賜 臣趙宏燦恭摹勒石

謹案右碑行書

衛幕街恩重潘輿送喜頻濟時瞻上將錫號戴慈親富

貴當如此尊榮邁等倫郡傳冬筍味更覺綵衣春奕葉
斑姑史芬芳孟母新紫誥鸞回紙清朝燕賀人遠依封
土舊國與大名鄰義方兼有訓詞翰兩如神委曲承顏
體騫飛報主身可憐忠與孝雙美盡麒麟杜少陵詩元
豐二年孟秋既望書襄陽米芾

康熙參拾捌年

皇上巡幸浙江於

行在賜 臣趙宏燦恭摹勒石

謹案右碑行書

新林二月孤舟還水滿清江花滿山借問故園隱君子
時時來往在人間 臨其昌

康熙三十八年

皇朝通志卷之二
皇上巡幸浙江於

行在賜 臣趙宏燦恭摹勒石

謹案右碑行書

天馬賦 高君素收唐畫御馬感今無此馬故賦方唐
牧之至盛有天骨之超俊勒四十萬之數而隨方以分
色焉此馬居其中以爲鎮目星角以電發蹄梳踣以風
迅鬐龍容而孤起耳鳳聳以雙峻翠華建而出步閭闔
下而輕噴低驚羣而不嘶橫秋風以獨韻若夫躍溪舒
急冒絮征叛直突而建德項熱橫馳而世充領斷咸絕
材以比德敢伺蹶以致吝豈肯浪逐金粟之堆故常下
視八坊之駿高標雄跨也獅子攘獍逸氣下衰而照夜
矜穩於是風靡格顏色妙才駘入仗不動終日如坏乃

得玉爲銜飾綉作鞍僂棗秣粟參肉脰筋埋其報德也
蓋不如偷盧噬盜策蹇勝柴鑄黃蝸而吐水畫白澤而
除災但覺駝垂就節鼠伏防猜壯心雖厲馴號期諧誓
俛首以畢世未伏櫪以興懷所謂英風頓盡冗長常排
嗟乎若不市駿骨致龍媒如此馬者一旦天子巡朔方
升喬岳掃四國之塵較岐陽之獵則飛黃腰褭躡雲追
電何所從而遽來何所從而遽來 壬午冬十二月臨
董其昌

康熙四十二年

皇上巡幸浙江於

行在賜 臣趙宏燦恭摹勒石

謹案右碑行書

松林帶餘雪空山啼百舌石留響涓涓寒泉自清潔 虎跑

泉

康熙四十二年

皇上巡幸浙江於

行在賜 臣趙宏燦恭摹勒石

謹案右碑行書

雲裏帝城雙鳳闕雨中春樹萬人家

康熙四十二年

皇上巡幸浙江於

行在賜 臣趙宏燦恭摹勒石

謹案右碑行書

永思

康熙四十二年

皇上巡幸浙江於

行在賜 臣趙宏燦恭摹勒石

謹案右碑行書以上六碑在端溪書院

御書凱旋詩扇一柄朕凱旋時所作詩因萬幾之暇偶書於扇賜卿閱地濕熱此扇之清風可以解之

戰馬初閒甲士歡揮戈早已破樓蘭彌天星斗消兵氣照徹邊山五月寒 班師之作

溪上遙聞精舍鐘泊舟微逕度深松青山霽後雲猶在畫出西南四五峯

田田荷蓋雨聲齊樓葢繽紛向晚迷樹葉不愁點翠幄秧針豈憶灌青畦密林有意通宵響茂草無知徧地萋偶爾喜吟

今歲好慢將詩句入新題 千葉蓮池夜聞雨滴之聲

亂泉飛下翠屏中色共真珠巧綴同一片長垂今與古半山
還欲水兼風雖無舒卷隨人意自有潺湲濟物功每向暑天
來往見擬將仙子隔房櫳

御書舊扇一握 康熙乙酉春月

賜 江南松江府同知郭朝祚

謹案右碑勒方幅一便面四草書

端方

淨名齋記 帶江萬里十郡百邑繚山爲城臨流爲隍
者惟吾丹徒重樓參差巧若圖列地靈極倪而雲霞出
沒星辰挂腹而天光不夜高三景小萬有者惟吾甘露
東北極海野西南朝敷山者謂之多景然臺殿羽張寶

堵中盤五州之後與西爲阻若夫東眺京峴西極栖霞
平林坡陀淮海之域遠岫隱見滁泗之封洪流東折白
沙之雲濤如線大磧南絕中涔之最屬蔚起筆山之隙
峯美雙聳五州之外嶒嶸千疊黃鶴寶勢珠捧於豆長
山異氣龍蟠於天晨曦垂虹時媚於左長庚織月每華
其右千林霜落萬嶺雪饒春羣於西郭而秋留於南巖
者惟吾淨名天下佳山水固多矣在東南則杭以湖
鄣其境洪以西山彌其望潭以岳麓周其區皆一山也
望雨邦逮窮荒迢遞發周羽皇之歎者有之矣百川匯
流而赴北旣濬旣淵亦沃亦蕩也多山引領而趨東且
列且驅各羣各醜也吾齋在萬井之中半天之上乃右
卷而一揖焉此其所以得山川之多而甲天下之秀也

至若水天鑑湛而博望弭檣葦根鳴而詹何投餌洪
鐘動而飛僊下疾風舉而連山湧地祇聽法水怪效珍
或鵬雲壓山海氣吞野纖雲漏月清籟韻松兜羅密而
靈光生陰霧合而大霆走瑰奇忽恍又不可得而詳言
之襄陽米元章將卜老丹徒而仲宜長老以道相契會
內閣蔣公穎叔以詩寄云京城汨沒興如何歸棹翩翩
返薜蘿盡室生涯寄京口滿林圖籍鎖巖阿六朝人物
東流盡千古江山北固多爲借文殊方丈地中間客取
病維摩於是宜公以其末句命名余亦冀公之與余同
此樂也念老矣無佳句歷其勝後之登吾齋攬吾勝者
得不爲吾賦乎 大觀元年夏五月重錄一過感慨係
之矣芾

謹案右碑上列二大字正書下一段行書

家在洞水西身作蘭渚客天盡無纖雲獨坐空江碧

唐句御溝風細水生波喜得春來暖漸多堦下絕無
塵跡到橋邊只有侍臣過臨董其昌

謹案右碑行書

蘋風忽起吹舟楫雨打圖書裝裏亂閤門咫尺不安流
何況盟津與江漢非無輕楫並長檣逆風流水適相遭
須臾風迴水流順星宿乘槎問月高閤門舟中戲作
米芾駐驂閤門舟中臨

謹案右碑行書

岳牧之任

謹案右碑正書以上五碑與甲戌四月一碑俱

聖恩賜總督郭世隆康熙丙戌摹上石在閱江樓世隆有跋恭紀

刻石於側

一爲陽德借天和賓日中衡社後過東作勤耕勞衆力西成有獲廣農科官箴先戒關河固節鉞猶經歲月多正已精心率庶吏宣恩莫使政煩苛 春幸

康熙五十六年二月

賜 兩廣總督臣楊琳

謹案右碑正書

殿邦炎州

康熙丁酉仲春

賜 兩廣總督臣楊琳

謹案右碑正書

君子之道闇然日章蕙蘭之臭有風則香草木培植格物知
詳飛潛動靜各有攸藏純精天地青紫芬芳奇卉松島移根
學堂題蘭

西銘 乾稱父坤稱母予茲藐焉乃混然中處故天地
之塞吾其體天地之帥吾其性民吾同胞物吾與也大
君者吾父母之宗子其大臣宗子之家相也尊高年所
以長其長慈孤弱所以幼其幼聖其合德賢其秀也凡
天下疲癯殘疾惻獨鰥寡皆吾兄弟之顛連而無告者
也于時保之子之翼也樂且不憂純乎孝者也違曰悖
德害仁曰賊濟惡者不才其踐形惟肖者也知化則善
述其事窮神則善繼其志不愧屋漏爲無忝存心養性
爲匪懈惡旨酒崇伯子之顧養育英才顙封人之錫類

不施勞而底豫舜其功也無所逃而待烹申生其恭也
體其受而歸全者參乎勇於從而順令者伯奇也富貴
福澤將厚吾之生也貧賤憂戚庸玉汝於成也存吾順
事沒吾寧也

朕所書太極圖說西銘不止數百今丁酉仲春南淀舟中頗
暇故又書以示所好

康熙丁酉仲春

賜

兩廣總督臣楊琳

謹案右碑行書前刻便面一

紫芒半頃綠陰陰最愛先時御稻深若使炎方多廣布可能
兩次見秧針 早御稻

臣於康熙辛丑秋扈 蹕塞上蒙

特恩賜 御書 御製七言絕句一幅

天章宸翰昭耀寰宇時蒙 賜者多在大員時泰祇隨班侍
從尙未受職特以先世遺蔭仰叨非分之榮旋於是冬
卽授 內府司曹謹什襲珍藏迄今十有九年矣自通
籍後雍正年間歷官中外乾隆三年秋由御史大夫蒙
授兩廣總督敬思

賜詩內交方廣布兩次秧針之句隱寓全粵情形竊意事非
偶然凡屬臣工深惟此義自可永息干澤之心益矢在
公之職於服官蒞政庶無所顧慮矣敬勒石於肇郡端
溪書院用以勉率兩屬匪僅侈一身之

異數云爾 兵部尙書右都御史臣馬爾泰敬誌

謹案右碑行書

觀時見物理 主敬得天真

謹案右碑正書以上五碑在端溪書院

金石二

金

唐

唐鐘乾寧四年款宋咸平三年款

按此鐘唐宋兩款各鐫一面茲合錄並彙眾說於後

維乾寧肆年太歲丁巳玖月乙丑朔八

唐款

至道觀常住鐘一口重伍伯斤維咸平三年二月一日

第一行

勅命指揮鑄鑿記

第二行

儒林郎守司戶參軍兼錄事參軍

法事刑

第三行

正奉大夫行尚書膳部郎中知端州軍州事

上柱國賜紫金魚袋慎

第四行

宋款

粵東金石畧秦碑惟一二三改用茂密字其四以下改用

碑之類不知起於何時唐開成中國子學所立五經文字

石碑一二三四五六七八九十百等字已皆書為壹貳叁

肆伍陸柒捌玖拾伯矣顧交武云柒即漆之草書今作柒

又漢之少額又引程大昌演繁露洪容齋隨筆諸說蓋十

字之改少畫為多畫亦非出於一時其自肆至拾皆取壹

貳叁之法寫之則顧云出唐武后時耳阮通志通鑑是
年九月癸酉朔此歸欽云乙丑朔差凡八日考唐書昭宗
紀乾寧四年五月乙亥朔七月甲戌朔以法推之九月不
得有乙丑朔疑當時廣州端州有盧瑊譚宏珣之亂唐之
正朔已不行矣胡森肇慶雜錄唐會要景雲二年勅文
魚袋著紫者金裝著緋者銀裝開元八年敕都督史品卑
者借緋魚袋開元八年以後恩制實緋紫例兼魚袋謂之
章服膳部郎中尚書省諸司官也隋爲膳部郎武德三年
加中字龍朔二年改爲司膳大夫咸寧元年復爲膳部郎
中會昌五年制上柱國前代勲謂之八柱國品居第一宜
峻寵章自後非特恩不在累叙之限是上柱國爲極品勲
也正奉大夫中奉大夫等則官階也儒林郎亦階也又元
和十四年吏部奏請鄭曹僕等十二州各置錄事司戶司
法等叅軍各一員宋承唐制職官大畧相等以宋史考之
次第可見宋州縣亦如唐分上中下但府州有升改并爲
某軍節度某軍此官又有行知守試及兼某職之名此正
奉大夫以四品階行尚書膳部郎中知端州軍州事是也
首行末一字似是捨字而不全高要志乾寧欽正書晉
尺鍾高二尺五寸中圓四尺八寸口徑一尺七寸脣厚一
寸螭紐紐下浮線界爲四面甬線環之面橫直線各五線
交處各菱花鏡一成平欵亦正書翁氏金石畧伏第一行
首十二字阮通志佚八字又缺三字至邢字下二本皆空
作闕文以胡粉抹視此下
無刻畫迹蓋姓而不名也

右鐘在府治譙樓至道觀今不知其處何時移置樓上亦不可考鐘紐本中通紐下鐘頂正處有乾元寶錢當是鑄時所嵌歟識鑄鑿陰文細甚非細意諦察輒生疑似拓本模糊尤不足憑惟扒字筆勢宛然毫無缺泐人下空處亦殊熨平豈扒字之誤扒讀若八破也取破鑿之意抑鑄工尙未竟事耶

宋

至道觀咸平鐘款

已見上 又按傳抄本一口二字或作石非也守司戶參軍守字或作中胡森曰中中州也此緣守字之𠂔兩旁下垂有似於中然正豎太偏右矣守字無疑邢字下或加旦亦非細察之刑字與慎字平列慎下

無字邢下亦無字形再下一格微有剝蝕紋故悞以爲且其實尙有別紋亦不似且也

玉皇寶鼎四字

篆書鼎底

凡正書題下皆不注

粵東金石畧七星巖玉皇閣鼎其下篆玉皇寶鼎四字不著時代阮通志宋朝事實大中祥符二年詔天下建道觀以奉三清玉皇此鼎豈卽是時製耶

右鼎在府城北屏風巖玉皇殿高二尺圍四尺有半寸高要新志以殿建於明疑鼎爲明代物而阮通志列此鼎入宋代今從之另一鼎在寶月臺亦古色深黝惜無款識附記於此

元

香山寺鐘識

承事郎肇慶路總管判官陳口鑄

歲次己丑口口口六年

右鐘在德慶州西北二里香山寺後殿即乾明寺元
有天下分諸郡為路故知為元時物文云歲次己丑
以長厯推之為至元廿六年先書太歲後列年分又
一例也

元延祐鐵鐘識

有梵字篆書

天寧萬壽禪寺住持僧法僊耆舊僧廣心耆舊僧慧度都寺

僧行一監寺僧惟聲信士黃子瑞

桑市

捨財命工鑄造洪鐘

一口上報四恩下茲三有耆勸緣何覺敘勸緣元普現匠人

黃彥哲同男友口友承方金造

上層正書

中層梵字不錄

大元國廣

東道肇慶路旨延延築卒歲

分

庚申季冬吉日天寧萬壽禪

寺謹題

下層篆書

高要志延祐鐵鐘紐高七寸紐下至口三尺七寸中圍九尺口徑三尺三寸唇厚二寸三分周以浮線識作三列上列人名正書左旋中列梵字二十四即四疊唵嘛呢叭彌吽六字環書四面下列紀年篆書並右旋篆體天斜祐字禪字皆衣旁蓋不通六書者為也舊志天寧寺建於宋崇寧三年無萬壽之稱今寺內明嘉靖徐燾一碑言萬壽儀節意當時祝釐於此因以為名鐘即其寺物也

有鐵鐘在府城北門樓約重千斤本東門外天寧寺故物移置城樓年月不可考矣

郡樓鐵鐘識附錄

口尸丁未年 辛亥月日置

右鐘與乾寧鐘分懸郡樓上此鐘在東楹欽陽文年號二字剝蝕惟存下一字之半或云似有字南漢大有年鑄也然考大有凡十四年並無丁未紀歲若必以年號下一字偏旁相近者推之則唐之大厯宋之

靖康明之萬歷皆有丁未宛難航斷以其爲前代物
附存俟攷相傳府城有回祿則鳴此鐘云

石

晉

泰元甄識

反文在分篆之間

乘元十九年立堦

高要志石泰元甄出羅建村中岡上樓冢冢露於嘉慶初道光三年村人盡發其甄委冢旁汗池畔遂漸散失四年閏七月三日訪得二出晉尺長尺有四寸廣六寸二分厚二寸三分兩面作方罫文識在甄橫字小於甄之厚十二孝武帝紀年晉書作太元說文太字爲泰之省古經史皆作大及泰秦刻石自泰古始初一泰平俱不用太字審此識明東晉

猶然也

宋

元嘉甄識

反文文雜真篆

元嘉九年任申嶽立此延

元嘉九年歲在任申八月十日世立口口

元嘉九年歲在任申八月十日造立此宜得富貴其年廣州

使君兆記

其年廣州使君兆立寸

另其年廣州使君兆口口

高要志右元嘉輒與泰元輒同日訪得於河頭山西麓山
 在羅建村北有古墓陷一穴梯而下可七八尺幽室深丈
 許高容行人四周皆輒斃輒修廣如泰元製近頂斃半規
 輒旁殺乃稍薄輒半有識皆此六種一輒兩橫皆識則第
 一除及第四條也元嘉紀年有二東漢桓帝止二年則此
 為宋文帝時家宋書文帝紀元嘉六年七月己酉以尚書
 左丞孔默之為廣州刺史范蔚宗傳魯國孔熙先父默之
 為廣州刺史以賊貨得罪下廷尉此云廣州使君孔即其
 人紀十年六月乙亥以前青州刺史韋朗為廣州刺史蓋
 默之至是得罪受代則九年猶在廣也議丙王字皆借作
 汪又變挺為延第五條未作寸形當是封字半體餘六字
 才可辨其詞似孔為誰氏王葬村人言此冢久露人疑有

藏金發掘者屢嘗得二款相合內有文字蓋填誌地券之類惜訪之不獲

唐

魏元忠端州石室題名

未見

有見鄭樵通志云在端州又見輿地紀勝

新興縣令光楚客清德碑

佚

按復齋碑錄間朝隱撰王麟書景龍二年戊申九月

十七日建

頂湖唐刻

大字凡八小字凡九

涅槃妙心正法眼藏

頂湖龍潭住菴智常刻

高要志右智常題字正書徑尺許在頂湖山龍潭八字作
三行左讀曰涅槃妙心正法眼曰心藏此但以文義錄之
題名在藏字左側行僅五寸大小不倫疑後人補記然漫
滅已甚亦不似近代鑿迹智常為六祖弟子此刻不著歲
月收隨經六祖以太極元年七月自南華歸新州先天二
年八月坐化智常住頂湖應在祖去南華前後南華六祖

肇慶石翁氏粵東金石畧已辨爲偽刻則粵中唐刻存者以聖恩二年龍龕道場銘與此爲最古而從來金石家俱未著錄白雲寺有明萬曆間王泮一碑亦不足考證

端州石室記

日者託宿秘篆寄傲神府撰奇討異汪靈通感冥搜海成遐矚坤極微金闕疏玉堂河漢未際其源今昔嘗聆其語曷若宛此山郭不在江墳薄人寰騰物外妙有特起靈表秀開綺田砥平錦嶂壁立肇允洞穴延袤中堂蹙恠形以萬殊口口勢以千變伏虎奔象浮梁抗柱激濤海而洪波沸渭疊口口而羣峯嵯峨飛動逼人屹聳驚視密微微而三分地道風口蕭而一變天時竇乳練於玉顏石牀列於仙座隔閼塵境口集福庭寂兮寥兮恍兮惚兮使營魄九昇嗜慾雙遣體若口羽翼志若摩雲天秦漢之間莫知代祀義皇之上自謂迨之

當是時也慕名者執雌而退狗物者守心而安求道者口口
而凝懷書者口口而默有若邦伯旱公守恭廣孝聞口口
觀國政門口口口不容於口義心厚行遊者每口於口口
能吏修其口口口其業流冗歸止介特又安於是命友僚口
琴酌一歌一口口邀以遊莫不解榻於斯張樂於斯傳口五
龍遺土駟馬豈口避暑簷室締賞林巒擊石如鐘酌泉如口
固亦轉丹竈綴紫芝迹寥寥之遠心惟習隱之幽致者也
開元十五年正月廿五日李邕記 宋乾道己丑秋九月乙
丑陶定觀

集古錄右端州石室記唐李邕撰不著書人名氏考其筆
蹟似張庭珪所書也 葉盛篋竹堂稿端州石室記在今
肇慶府城北數里七星巖洞門外礮石壁而為之後有宋
乾道己丑秋九月等字歐陽公嘗定以為張庭珪書然破
庭珪孔琳隸碑字頗不類此刻遇夏潦一至輒為所浚浸
磨盪且或經宋時重刻當已失真矣 潘耒金石文字記

補遺肇慶府北七星巖古名定山亦曰崧臺有洞通明宛
委記刻在洞門石壁不類北海書集古錄疑爲張庭珪書
庭珪長於八分凡邑文而庭珪書之者皆八分此則正書
恐未然也記中云有若邦伯旱公開元時有畢刺史者爲
宋璟所稱早當作畢是摹刻之誤王昶金石萃編此碑
無書人姓名集古錄疑爲庭珪書不獨庭珪由御史出爲
河州刺史徙蘇宋魏三州入爲太子詹事致仕歷官多在
北方去嶺南有數千里之遠似不至以石室短記往返遠
求則益知非庭珪書矣阮通志端州石室記原三百八
十字粵東金石畧言可見者三百四十八今可見者三百
一十九畧大者有金石畧云缺今審視可得者當由拓本明
暗不同耳邦伯旱公潘耒金石文字記補遺定爲畢公翁
氏粵東金石畧引曲江集畢副都護墓誌以證之竊恐未
然曲江集云按察使廣平郡宋璟以公爲能奏假恩州刺
史俄又與授尋遷端州居必致理莫匪嘉績屏藩之寄朝
選以歸以是拜安南副都護則是畢任端州當璟在廣州
時開元四年璟還朝此記作於十五年畢去端州想已久
矣潘何所據而知必爲畢乎粵東金石畧又云此記是邑
赴欽州時作按新書本紀及藝文傳開元十二年十一月
元宗東封十二月還東都陳州刺史李邕獻詞賦張說惡
之會仇人告邕贓貨枉法下獄當死許璋上書論救貶遵
化尉然則邕遣端州赴遵化當在十四年與記云十五不
合翁亦何所據而知必爲赴欽時作耶考邕傳云後邕從
中人楊思勗討嶺南賊有功徙澧州司馬思勗傳稱思勗

征徵表凡四開元初平安南十二年平五谿皆在邕未貶
遷化前若十六年之討瀾州蠻但言發永連道三州兵而
不及欽州惟十四年邕州賊叛思昂領兵討平之邕州爲
今南寧府與欽州近則邕之以計賊功徙澧州當在此時
其明年至端州故稱十五年爾高要志李邕石室記正
書諸家所錄文句多互異以新舊兩本並校字存者三
百五十三靈表秀閣句與傳口五龍傳字筆畫了了可辨
板本俱未審真搜海下當是咸漢武臨碑勲威上府衙方
碑用舍行藏皆古藏字記作去聲也避
暑上似直字兩字俱平泐故仍闕疑

按石室記在府城北七星大巖口外左石壁上自歐

陽公疑爲張庭珪書至明于奕正撰天下金石志意

斷爲庭珪書此外如朱長文墨池編亦然考鄭夾漈

金石畧張庭珪所書諸碑皆八分書石室記載入李

邕所書碑內則是記爲北海書無疑矣潘耒謂早當

作畢是摹刻之誤豈因葉盛有或經宋時重刻之語

耶葉盛謂後有宋乾道己丑秋九月等字此下想視

之未晰故疑是宋時重刻不知此乃宋人陶定觀欵
高要新志云觀字雖泐尙可辨阮通志亦缺之舊志
直作乙丑摹石又似因葉說而輟轉譌誤也吳志載
此記全文字句多舛參混真不可枚舉如隔口塵境
隔下吳志作斷覃溪翁氏謂審當是蜀古絕字今高
要新志作閔義皇之上自口口口吳志以意補三字
爲成遐邇翁氏謂審當是成逍遙高要新志作自謂
逍遙字不全阮通志遺王駟馬王高要新志作土
凡此皆當以高要新志爲可據蓋其當時於金石一
門身至目覩摹訂悉盡心力非同他書半出於依稀
彷彿懸揣而定者也酌泉如之下缺一字翁氏以爲
醴字差有可信由此類推風口蕭而一變天時風字

下當是蕭字疊以成文口遨以遊遨字上當是以字姑存以備參

景福二大字

阮通志二字廣徑各四尺有奇相傳爲李北海書揭宋熙寧間康衛詩云天墜北斗星人間書景福則此二字爲北宋前書審矣

右刻在七星大巖口內近水水落可揭

李紳題名

左行

李紳 長慶四年二月自戶部侍郎貶官至此寶曆元年二月十四日將家累遊

右碑在七星大巖石室壁上又見墨池編碑刻類

遊石室新記

左行

高要縣北十五里有石室詭恠萬狀崆峒其中發揮靈蹤盤

薄厚地皆神仙之窟宅爲區輿之勝槩或有巨石皆似蹲獸
反顧疊花仰空的爍瓊暗色如截肪矣旁引危竅疑爲洞門
橫聳石牀方次仙座西廂峭壁之下有涪泉泓澄鏡色味輕
瑤漿東西倚山之陽二十餘里西通於上武林東扞于零羊
峽時開元十五年正月二十五日左遷陳州刺史北海李邕
述石室記列於苔壁懿乎寶厯元年秋九月二十日攝經畧
巡官試大理評事權知軍州務事賜緋魚袋博陵崔公領寮
屬及將吏遊於茲室探討奇跡異乎幽蹊盡日躋攀不盡高
意化清時官守司馬得倍盛遊輒叙鄙詞紀乎前事 攝經
畧巡官朝議郎試大理評事知軍州事賜緋魚袋崔獻直
文林郎守司馬王化清 守錄事參軍楊全質 守司倉叅
軍陳係 守司戶叅軍李叅 守高要縣令張仲修 守王

簿陳行敏 攝尉李口 押衙知衙事褚曾 押衙溫靖

口將口兼寫字李志

阮通志記王化清撰曹學佺名勝志沿黃志之誤以為李
邕撰翁覃谿金石錄又謂通索巖洞無有並非也其刻無
書人驗其筆迹如寶厯字元字將字與李紬題名相類豈
卽紳書耶通鑑寶厯元年四月敕文與量移紬江州長史
豈靖州僻在嶺海紳遊石室書記時赦文尙未至耶崔獻
直結銜稱經署延官又屬權知軍州事邊州有經畧有巡
官並見唐志而無知軍州之名宋史謂始於太祖罷方鎮
之時據此則唐書已有其名矣記文隋獄反顧祖志誤作
之顧卻澄誤作漲澄又佚列於苔壁以下百餘字皆輾轉
稗販之譌李邕結銜右遷陳州刺史右當作左唐刻左多
作尤後人刻改爲右爾然黃志已作右則由來亦久也
高要志古記正書阮通志疑爲李紬書紳題名書結體凝
重此記偃波峭角筋盡骨露以爲相類非也左遷陳州刺
史北海李邕進石室記十許字適當第八行末記載家侯
後一段故誤目爲北海撰肇慶志宋秩官載端州知軍州
事崔憲直博陵人慶厯以朝議郎試大理評事任攝經畧
巡官通判王化清錄事楊全吉司戶李參陳絲俱云慶厯
年任高要令張仲修則與舊志皆作寶慶二年任舊廣東
志並同卽記後題名諸人是後一段初未嘗佚直以完文
中折爲二一則去寶厯爲開元一則變寶厯爲慶厯並誤

其改王化清為通判以宋軍州無司馬也改陳係為司戶
以宋州曹無司倉也獨不知宋有經畧安撫却無巡官又
謂缺為憲質為吉係為絲而主簿陳行敏則竟失載矣押
衙以下三行自作一段字較小與前稍不屬今阮通志佚
之既官表內唐宋兩張仲修並載亦失檢此記書如脂作
暗倍作倍之類多破體假借至左遷左字下正从工不从
匕未盡偶有小缺以為尤字刻改視之未審也

右以上三刻皆在石室大巖記為王化清撰拓手拓
至北海李邕述石室記止故傳者誤以為李邕石室
後記署銜末行泐二字以他本證之廼是散將書兼
書字鐫即鐫之省文考唐時節度使經畧使下有十
將十將之外為散將此刻乃散將李志書並鐫字也
阮通志佚後三行故疑為李紳書耳

趙令則龍母廟碑

佚

靖康吳揆賜額記龍王始末趙令則李景休二石刻所口詳矣

按吳記在德慶龍母廟記文趙令則在李景休先故
列於太和之前

新修龍母廟樓碑

佚

按復齋碑錄在德慶府李景休撰郭齊正書太和六
年正月一日記

李文饒題名

佚

輿地紀勝集古錄云唐李德裕題名
字爲八分稱丙辰歲者開成元年也

按唐書李德裕傳宣宗大中元年貶潮州司馬明年
再貶崖州司戶蓋戊辰也王象之輿地紀勝以題名
在肇慶則丙辰當作戊辰阮通志云大中二年文饒
自潮遷崖過肇慶故有此刻歐公不考遂悞釋戊爲
丙王象之又悞大中爲開成耳然石刻久亡無從決

疑

盧鋌陳氏忠孝兩全記

佚

按輿地紀勝云在肇慶府

莫宣卿墓碑

按封川縣志云墓在縣北百十里文德鄉碑石猶存
字畫難辨粵東金石畧云今得一紙文皆完好其辭
與字似後人贋爲者

梁

捨田記

左行

具錄興元元年施主
靈捨田四至
缺東至壘路南至石
山田圳西至江水北至石室塘
思潑田施主伍善芝捨東
至壘南至伍意舊宅前塘爲界西至嶺路北至山壠爲界時

軋化二年三月廿五日抄簡牀上公憑鐫記耳僧弘通志贊
記 弟子周鋌書

右刻在陽春銅石巖內向未著錄道光九年縣令黃
定宜續訪得之分前後二段四至之下當是如左二
字興元元年爲唐德宗甲子歲蓋前朝施田至梁乾
化二年始鐫記勒石耳

宋

劉起題名

大宋景德四年仲冬月二十有二日知軍州事陳惣前知軍
州事劉起與新授知新州吳有鄰洎司理叅軍章堯臣高要
王簿劉均同遊是室起凡四至并題

右刻在石室大巖阮通志署陳惣題名然出自劉起

題自當以起爲主通志云簿卽簿字蓋說文無簿唐
美原神泉詩碑篆書王簿作薄此簿蓋有借簿爲之
而小異高要新志謂漢白石神君碑列主簿十五人
皆作薄是不始於唐矣

趙勝題名

左行

乾興始號仲春口二日護戎殿直趙勝暨糾彈慎暉吉秋曹
劉化成高要權緯郭簡同遊誌之

阮通志宋史是年正月朔改元刻云始號猶言元年爾宋
朝事實仁宗二月十九日卽位此刻云仲春二日時眞宗
仍在也粵東金石畧誤認春爲冬字又從而爲之詞曰仲
冬尙未改元天聖故以乾興始號書誤矣化成二字合書
古刻題名多如此金石畧認作貨字亦誤高要志仲春
下阮通志作月審勘文不類刻內人名皆偏小向有化成
二字初非合書

右刻在大巖宋官制殿前司騎軍有指揮使內殿直

又有東西班散直趙勝當是內殿直也文獻通考宗
史職官志無護戎之名竊謂宋初有戎器之職軍器
監又有戎所作據此則各軍州皆有戎所作坊護戎
者護守戎器益勝以殿直出爲此官是可補職官志
之缺宋史府州軍監諸曹官舊制錄事叅軍掌州院
庶務糾諸曹稽違糾彈者疑卽錄事叅軍也又有司
法叅軍掌議法斷行稱秋曹者文其名耳簿者縣之
主簿也宋制上縣置主簿下縣置尉權者若今之署
矣

任旦命題名

左行

知郡事秘書丞任旦命新知梧州秘書丞馬絳大宋乾興元
年季冬月同居此

右刻亦在大巖

余翼題名 八分書左行

天聖元年式陽至之明日前藤幕余口口口牧秘丞任日口

口樊立短簿歐陽策口

高要志余下闕文證以余翼詩刻翼字尚想像可得任日下似是戶曹與任旦命題名不合未可臆決從來無以矩簿署銜者然二字甚明無可疑豈故用晉人諧語耶

癸亥秋 三殘字八分書

高要志按發字接余翼題名之後筆法大小似一手連書惟行間稍疎癸亥即天聖元年其秋則題名以前蓋別是一刻仍石本繫於後以存疑此後似尚有字迹不可辨

余翼詩刻 行書左行

藤幕余翼陪任秘丞遊 偶閑如到女媧天深入何殊葛維

川何必東山隨謝守盡遊終日恣陶然

高要志戊辰天聖六年也

楊備詩刻左行

玉洞雲深夏亦寒客來尋勝久盤桓其間隱約聞雞犬庭有

仙桃待一餐景祐丙子冬十月癸亥知恩平郡事楊備題

阮通志丙子景祐三年也恩平郡即南恩州今陽江陽春縣地楊備見宋景文筆記云余友楊備得古今尚書釋文讀之大喜於是書訊刺字皆用古文僚友不知識此刻非古文豈在未得前書之前耶

右刻亦在大巖

寶元題名殘字

寶元三年似是年字已下缺此更缺金

高要志石斜斷止存一角年字男字皆不全未一字似塗字半體阮通志作全恐非

右殘字在石室西巖名字已為採石斧去阮通志疑

寶元無三年考仁宗五年戊寅十一月改寶元元年

已卯是爲二年庚辰是爲三年庚辰二月始改康定元年謂此刻在未改元之前是則然矣

包孝肅題名

提點刑獄周湛同提點刑獄錢聿知郡事包拯同至慶厯二年三月初九日題

阮通志宋史職官志提點刑獄公事淳化二年置以朝臣充後罷歸轉運司景德復置增武臣爲副以閤門祇候以上充此刻稱同提點刑獄豈卽史所謂副耶周湛字文淵登州穰人宋史有傳不載提點刑獄

右刻在石室大巖高要新志云舊志倒錄年月於上

朱顯之題名

慶厯壬午歲臈日郡守將朱顯之同監軍麥仲珣獄掾楊仲卿攝官梁揆鄉秀崔宗周合浦貢士梁立本游玄勝境顯之謹題男諷捧硯詢詠侍立

阮通志勝郎勝字王午慶曆二年也高要志麥仲珣肇慶志秩官誤作仲詢

轉運使尚書郎馬尋子正慶曆三年癸未歲二月二十二日遊茲勝槩春官吏知端州朱顯之從晦新賀州幕杜偉士遜新建昌邑佐許奇彦伯參陪顯之謹題

阮通志馬尋須城人宋史附陳太素傳高要志翁氏金石畧缺誤至二十三字諸志皆誤杜偉為杜傳

右二刻亦在大巖馬尋以禮部尚書郎出為粵東轉運使朱顯之曾為尋屬吏故稱春官吏又書謹題也

馬尋題名

轉運使馬尋子正慶曆三年口口望日至此知州李口口前口口尉陳涇澄之新建昌尉許奇彦口口口口書

右刻在德慶三洲巖

晉卿題名

左行

晉卿公佐師宰文甫之才景元升卿君佐偕遊慶厯五年仲夏六日謹記

右刻在石室大巖

盛山甫題名

提點刑獄盛山甫與同事李侯慶厯乙酉季秋二十五日遊此男和仲穆仲侍行

右刻在石室大巖

慶厯殘字

左行

慶厯乙酉歲季秋口有三口知口口口口簿盛口

太常口口郎口

高要志石下段為明吳國倫詳刻所掩乙下當是酉字慶厯五年也

張肅題名

慶祿六年正月十四日轉運判官太常博士張肅子莊至此

男才卿才堅才獻侍行才卿奉命題

阮通志張肅舒城人以直諫稱仕廣東轉運判官後知岳州司馬溫公集有送其知岳州詩云飲水豈言吳刺史謗書觀似馬將軍則其為人可知矣惜郝志職官表肅慶祿六年以太常卿任轉運使蓋誤記此刻自與所跋抵牾

右二刻俱在石室大巖

慶祿六年題名殘字

慶祿六年正月十四日轉運下缺官太常下缺肅子下缺

阮通志姓字通斷缺慶祿六年張肅為轉運判官則此亦張肅書也

右刻在石室西巖亦為採石者斧斷殘字核與大巖所題前半正同是張肅於慶祿六年正月十四遊大巖之後又至西巖題此耳

宋克隆題名

西京左藏庫副使新知宜州宋克隆同侍禁劉政赴任鬱林
監軍皇祐元年十二月廿二日題

右刻在石室大巖按侍禁宦官也

崔之才祖無擇題名

左行

博陵崔之才范陽祖無擇至此 皇祐二年仲春十三日
右刻在石室黑巖高要舊志佚年月

崔祖再題

崔之才祖無擇題

高要志右祖無擇題名正書不著歲月蓋與黑巖題名同
時翁氏金石畧謂赴黑巖內聞有祖無擇書訪之不獲者
卽此壻火再索始得
於潭水上石罅中

祖無擇題名

金石

卷二十一

金石

七

皇祐二年二月望日
祖無擇來皇祐二年二月望日

右刻在德慶三洲巖阮通志云是時無擇任轉運判官然考是年惠州長壽澗題名乃提點諸州刑獄

王逢等題名

左行

皇祐庚寅九月廿九日丁瑀臣闕登張士宗同遊王逢題

阮通志瑀臣字元珍常州晉陵人景祐元年進士見歐陽修所撰墓誌銘王逢字會之宋史文苑有傳闕卽闕字書

右刻在石室副墨巖

祖無擇題名

予因按部稅駕此山皇祐二年仲冬月十九日范陽祖無擇記
守郡薛利和命工刊
庚寅歲端州匠人黎善誘刊都知兵馬使梁全應監

右刻在陽春銅石巖半壁上按無擇時以太常博士提點諸州刑獄云按部稅駕則於德慶亦按部可知舊志以爲知康州誤辨詳宦績

江唐公題名

濟陽江唐公同丁元珍遊皇祐四年仲冬七日戶掾陳口題

高要志唐公名東之諸志職官載江東之皇祐五年知端州據題名則東之守郡已在四年阮通志跋鮑軻題名止摘東字之誤未見此刻也

右刻在石室大巖

陶翼等題名

陶翼商老陸起仲遠江東之唐公皇祐五年癸巳正月廿八遊

右刻在石室大巖翼皇祐四年爲轉運使

鮑軻題名

提點刑獄鮑軻知郡事江東之皇祐五年四月七日同遊

阮通志鮑軻浦城人史稱儂智高圍廣州蘇緘委印於提點刑獄鮑軻即此題名之前二年也郝志職官作元豐任提點刑獄誤東之刻作東之亦誤高要志云今通志職官表軻提點刑獄仍作元豐

右刻在石室大巖

書端州嵩臺石室

行楷書

混元喪精天地均氣融川結山曷嘗私於一物哉而韜奇毓怪絕與類殊疑得造化之偏者其崧臺石室歟崖斷穴露呀然而闢闢嵌崆剝截辟掀層巔劃巨石頑青老碧將墜復屹交撐互楮如竦如立龍蛇盤螭煙雲出入中敞平地廣畝側環翠壁踰仞滴乳成柱凝嵐作蓋若非神驅鬼役鑿穴架虛不棟不榱疇克其壯又不可列仙移來真宰匠出吁其偉乎

圖經謂帝觴百神之所亦九九小洞天之一也谿泉清冷林
鳥嘲啗猿跳獸擾藤嬰薜纏春葩夏飆秋菊冬桂皆常常景
物奚足詫尙去夏五月僂寇軼境二廣騷動朝廷命翼參掌
漕計助餉軍實明季春賊平每按部西江停舟下瀨與前郡
守曲臺丁寶臣元琮今郡守殿省江東之唐公乘公之休縱
遊爲樂窮幽挾勝飫心飽目因狀厥實用示其來 炎宋皇
祐五年癸巳仲夏首吉潯陽陶翼商老文

阮通志寶臣卽瑤臣古今字爾東軒筆錄稱寶臣守端州
僂智高入境寶臣棄州遁坐廢累年此刻稱前郡守卽坐
廢之年也

右刻在石室大巖

陸起題名

陸起同伯氏子姪劉嗣卿遊 至和二年蜡月

阮通志題云
同月則蟠月即臘月矣

右刻在德慶三洲巖雲窩土中道光元年番禺儀克
中至德慶掘土五六尺得石刻若干種此其一也

榮謹題名
八分書阮通志作篆書誤

轉迦使祠韻艱中榮謹知州事太常博士翁彥升游此嘉祐
庚子正月五日題 人員藍提監鐫字黃方石苟刻

高要志謹字仲思濟州任城人
宋史有傳庚子嘉祐五年也

右刻在石室大巖人員以下二行正書阮通志云佚

皇甫宗憲題名

治平乙巳仲春中旬知郡事皇甫宗憲率荆延年趙宏曾公

範遊此勝概

阮通志宗憲終殿
中丞見萬姓統譜

右刻在石室大巖正書粵東金石畧誤爲八分書乙巳治平二年也

許奇題名

治平三年秋七月廿二日同決曹掾鄧闢伯通遊秘省丞許正之識

按粵東金石畧云在七星巖

測之題名

左行

測之伯通伯源介夫同遊汲泉煮茶清論竟日

右刻在石室大巖按伯通證以許奇題名當是同時

伯通題名

伯通夏卿至此

高要志云舊志所錄前有皇祐二年仲夏十三日字乃將博陵崔之才題名年月誤綴崔刻姓名三行年月別作一

行稍低字亦較小左讀適在此刻之前故割彼屬此爾

右刻在石室黑巖因上二刻連類次之

硯坑題字 未見

治平四年差太監魏口重開

按高兆端硯考云峽將盡岸南山均有洞題此翁氏

金石畧亦云聞羚羊峽硯坑內摩厓刻治平四年歲

次丁未重開蓋同是此刻傳聞有詳畧耳

南齋題名 隸書

熈寧五年他董因六峯嶺內書寇侍禁南齋舊來三承詹選

題後后壁也

阮通志云至蓋即元至蓋古字或重出如夫作炎人作久之類嶺即境借从牙壽即靖移立于上耳至即年區即月見通志六書畧武后更造字壽即琴搜真玉鏡有謂此特少變後即於見碧落文

右刻在德慶三洲巖侍禁者內侍省祇候班之宦官也文云六至境內靖寇者考仁宗嘉祐四年交阯寇欽州豈其時琴已爲監軍至此抑或德慶徭人亂琴嘗討之史無明文可證

濂溪題名

濂溪周惇頤茂叔熙寧元年戊申季冬廿六日遊

按德慶州志右刻在三洲巖內惇頤又作敦頤蓋避光宗諱也

周茂叔題名

轉運判官周惇頤茂叔熙寧二年正月一日遊 登仕郎行縣事梁鄰令工刊 住持監院僧瑞曇監

右刻在陽春銅石巖壁上

濂溪周元公筆蹟此七字橫列元公題名上高要志謂呂中所書

轉運判官周惇頤口又熙寧二年正月七日遊軍事推官

譚允高要縣尉曾緒同至

附呂中題名惇頤以下四十三字小字夾刻曾緒同至之下孺嘉阮通志誤作儒嘉

淳祐王子春日後學呂中偕正錄直學鄺夢得陳君疇孔

朱年董汝舟諸生得之謹識時廣學掌儀顧孺嘉同至

粵東金石畧曹學佺名勝志所載與此不同轉運判官周惇頤熙寧五年壬子七月廿五日遊軍事推官譚允高要縣尉曾緒同至恐是傳寫之訛也阮通志按宋史周惇頤傳熙寧初知柳州用趙抃呂公著薦為廣東轉運判官提點刑獄又陽春巖有元公熙寧二年正月題名則名勝志云五年誤也石刻二年三月七日六字尙明學佺殆未審讀爾高要志云舊志所錄沿名勝志之誤又轉語為首二字當是茂叔叔字又旁尙可見二年下是正字在此行最顯不知翁氏及阮通志何以皆作三月

右刻在石室大巖按呂中題後云得之者蓋得元公

筆蹟也

康衛題名

行楷書

提點刑獄尙書郎康衛賢臣同提點刑獄文思副使王咸服
叔平熙寧二年己酉歲三月初六日同遊郊社齊郎康聿侍
郡牧守殿中丞陳懌題勒上石

阮通志王咸服題街同提點刑獄蓋副也文思副使武階而宋史職官志稱神宗謂武臣罕習吏文不足以舉察所部故熙寧專用文臣云云據此則熙寧初猶未盡用文臣矣

右刻在石室大巖陳懌諸志職官皆誤作陳擇又吳
志載康衛遊七星巖詩有鐫石苟無分靈怪亦我惜
之句疑其詩亦鐫石待訪或已爲後人磨滅歟

康衛陳懌詩

再經舊遊偶成拙句寄呈知郡殿丞 提點刑獄尙書郎康

衛上 峽外煙雲迤邐開人家門戶小樓臺青山淥水應相

記二十年前到此來 右過端州 當時曾此牧黎元屈指

光陰二十年別後每思佳景物再來重觀舊山川因罹兵革

成凋敝忽訝問閭盡改遷皇祐中經變寇蹂躪故吏老民皆白首使君

髭鬢亦皤然 右過康州 懌啟伏蒙提刑郎中寄示再經

舊遊詩二首敢賡嚴韻拜呈幸冀采矚 殿中丞知端州事

陳懌上 舊歷江山眼重開平成搖轡賞高臺後歷嚴古號高臺石室公

巡按之餘晉康假道昔爲守按部今持使節來 右過端州

民居城柵盡非元惟有江山似昔年聽訟棠陰遺舊址賦

經過郡舍焚盡按行臺旆照晴川重來自喜恩威洽別後常嗟歲月

遷道側老人曾臥轍拜迎相顧倍怡然 右過康州 熙寧

二年三月十八日刊勒于石室懌書

高要志右康衛陳懌倡和詩正書凡二刻其一為元豐劉靜叔題名歷刻可辨者二百十九字其一完文蓋元豐後重摹也肇慶志秩官載康衛以大理寺丞知康州不著歲月據詩語當在慶歷四五年間

右刻在石室大巖

陳懌等題名

熙寧四年三月五日陳懌馬守廉王競譚允李完同遊石室

游烈題

潘君殘字

之口 潘君 井口 口武

高要志殘字正書度陳懌題名左行之前蓋古刻磨泐未盡者無歲月可攷故附於上一刻後他倣此

右二刻在石室黑巖

陳倩題名

左行

提點本路刑獄公事尙書職方員外郎陳倩君美熙寧五年

壬子十一月廿五日遊屯田郎中知郡事鄭公武題

高要字鄭炎字本玉旁
阮通志錄此敬避作炎

按郝通志職官陳倩鄭公武未載而阮通志載倩
熙寧八年任轉運副使據題名則監司已數年矣

金君卿題名

權轉運使度支郎中金君卿郡守殿中丞口口熙寧六年口
口二十七口口

阮通志君卿宋史無傳四庫書口提要攷其仕履最詳又
客齋臨筆稱范公在饒時延君卿置館舍宋史食貨志稱
熙寧三年權江西提舉金君卿首募受代官部錢帛綱趨
京不差卿戶衙前而費減十五六賜詔獎諭仍落權為真
高要志此跋本載督學署
池石君卿題名後移錄於此

右二刻在石室大巖

金君卿殘字

缺

丑十口十一日

缺

異

缺

金君

缺

高要志石刻徑尺寬尺有咫約可十餘行首行丑十二云云此當中異字稍小疑是兩刻相屬然漫漶不可辨此數字亦僅於神理滅沒間得之丑上當是癸字即熙寧六年也

右刻在石室西巖

金君卿題名

轉運使度支郎中金君卿熙寧八年三月初九日遊男哲民俊民侍行

右刻在德慶三洲巖

許彥先通真巖詩

左行

壁倚乾寧碣龕籠大業僧七年馳使路兩躡石梯層
副使許彥先熙寧丁巳孟夏再遊陽春通真巖

右刻在陽春銅石巖即通真巖詩云壁倚乾寧碣是

茲巖尙有唐乾寧時石碣待訪丁巳熙寧十年也

龍母廟元豐殘碑

缺越元豐戊午

第一行

缺

封口口口口季春

第二行

缺

祠

觀五龍口葬龍母於祠之

第三行

缺

縣令姚震尉王從言實

謹其

第四行

缺

庸口以澤物

第五行

缺

陰相寵答

第六行

缺

赫弈變化敷時景福豈

第七行

缺

李繼宣書

阮通志碑作置草間靖康記稱元豐戊午敕其額曰永濟封永濟夫人此碑蓋因是作也奕作弈別體字

右刻在德慶龍母廟

王洎題名

左行

知郡事王洎及之從事石大同康世南海令劉暉光道高要令廖蒙師聖元豐四年五月十八日避暑同遊

高要志刻本人名一行紀年二行舊志所錄自高要令倒載而年月仍在後蓋以銜名自右讀至元豐以下不可通

又折而左也伯諸志賦官皆誤作伯

元豐殘字 左行

端口事 缺 元豐甲子季冬廿六日

高要志其前為近時李棲鳳詩刻磨去行間復有字綴錄於後甲子元豐七年也

嵩臺殘字

二良士賞於是 缺 安定梁 缺 同口嵩臺口大 缺

高要志殘字為元豐甲子一刻掩其上左右讀俱未成文不知孰為起訖也

劉靜叔題名 左行

劉靜叔王天貺李熙叟詹寶賢許伯溫蔡仲裕李元封同遊

石室時元豐八禩孟春上休日題

右四刻在石室大巖此靜叔題名壓刻康衛陳懌詩

上今二人詩刻別石殆後人重摹耶上休日阮通志

謂猶云上浣爾

郭祥正題名 行書

戊辰三月晦日高要會令孝傑謝公山人郭祥正同遊

阮通志題名在石室遊篇之前著錄家并爲一事然石室遊篇末云元祐戊辰二月廿有八日當塗郭祥正子功來治州事即明年以其日上書乞骸骨作石室遊一首刻之崖間據此則刻石室遊在戊辰之明年爲四年己巳二月與此刻云戊辰三月非一時事明矣

郭祥正石室遊 行楷書

石室遊 端城之北徑五六里有石室今洞開其上則七山建斗司天之喉舌其下則淵泉不流渟碧一杯空口則肌髮冰去聲酌之則煩心灰四旁則石乳玲瓏中做圓蓋省省万丈莫窮其厓孰納忠兮嗟肺肝之已露孰止戈兮東兵仗而相挨儼衛士之行列肅庭臣之序排披披兮帶萼粲縱縱兮條

枚安而不可動者爲梁爲棟奔而不可止者爲虎爲豹
首兮屏息蚪奮鱗兮搏雷怪怪奇奇兮千變萬態愈
愈久兮惚恍驚猜何人境之俯近而仙宇之秘異如
此者哉蘿松風兮窈窕春漬芳兮不迴或命佳客或
寓幽懷考二李之勁筆巡皆一時之遺才援玉琴以寫
詠悵夕陽之易頽方謝事以言返眷茲室而徘徊雲
岫客兮泱泱鳥送音兮悲哀况百年之將盡邈夫萬
里奚復來宋元祐戊辰二月廿有八日當塗郭祥正
子功來治州事卽明年以其日上書乞骸骨作石室
遊一首刻之崖間記其姓名與山俱盡

阮通志是刻文類賦體王象之輿地紀勝題云游石室記
非也翁方綱金石畧稱東都事畧文藝傳郭祥正白號謝
公山人後知高安郡請老歸高安蓋高要之訛今案東都
事畧無此文翁殆誤記余司天口喉舌天字下一字雖泐
仍存巨形翁釋作之字亦誤高要志司天字下一字雖泐
審視石上亡形逼近天字疎密不倫筆勢大小亦異當是

右刻在石室大巖

題記殘字

[illegible]

右刻亦在大巖其前爲石室遊篇磨去

許珏題名

元祐辛未許珪監兵罷任敬觀祖父畱題

阮通志許珏潮陽人娶太宗曾孫女德慶縣主授左班殿直祖父許申也見萬姓統譜辛未元祐六年也

右刻在石室大巖高要志又有許申畱題申明道三

年以刑部郎中任轉運使畱題當在此時以未見附

識於此

賀理題名

口謁賀理蕭迪簡陳諷鍾裕元祐七年四月十日同口
膠西成諤郡政之暇同新龍城監兵開封杜競口口口陽賀
理端溪令贛川蕭迪簡理口四明陳諷新臨賀簿祥符劉元
方元祐七年五月十九日再至理題

右二刻俱在德慶香山元祐七年四字之旁阮通志
云有用吳起宗四字乃前刻磨滅未盡者

比部李公廟記

佚

高要比部廟乃祀贈比部郎中李公也皇祐中南寇沿江東
下焚毀城邑賊虐衣冠二廣驚擾仁宗皇帝惻然下詔採甄
士類增貢禮部概與序爵公時授同學究出身初任象州司
理叅軍次惠州博羅縣簿用舉改橫州推官丁母憂授白州

皇朝通志卷三十一
推官二年府帥沈待制禮使張司勳辟充欽州推官所至以
廉能稱熙寧中守臣竄謀啟釁交人出其不意毀寨陷城欽
守遇害官吏兵民孑然無遺公之室盡殲於賊刃凡一十三
人神宗皇帝聞而悼之自守臣以下加恩有差追贈公爲比
部郎中錄公之季子忠爲班行又詔下端州錄其近親表其
從弟也以其嘗從公覆沒由是得爲三班公諱英字子厚其
先守端州其後因家高要縣橫石村遷修里祖邵父喬皆不
仕忠招公與夫人南恩陳氏之魂葬於陸村卽其故宅基構
祠堂歲月浸久棟宇獎壞表乃革故取新重堂廣廈塑像繪
壁落成於元祐七年九月望日其族姓鄉黨因而時享表字
江叔居官廉勤以晉升爲高要令而稔民之口口詞曰皇祐時
南無堅城儂寇之深入也其官棄而不能守者朝廷不卽戮而

復其官以情恕之也熙寧時有城可守焉交趾之犯順也其
吏效死而不敢去者朝廷報而不忘恩及其親以忠錄之也
仁哉吾君之厚子厚乎人莫難於死死莫重於義非義焉不
得爲死節免死焉不得爲忠臣義哉子厚之報國乎然以其
身殉之可也家與之俱絕者豈不愴然哉

按廟在高要縣橫石村遷修里宋元祐七年建據高
要舊志碑爲宋高要令侯晉升撰阮通志選舉表晉
升曲江人元豐八年進士後知南恩州

王彭年題名

王彭年延之行部遊此元祐王

下缺

右刻在德慶三洲巖阮通志云王下當爲申字王申
元祐七年也

蘇東坡題名

東坡居士自海南還來游武陵弓允明夫東坡幼子過叔黨同至元符三年九月廿四日

吳用之至此

此在題名之左

王元勳來觀

黃期遇來觀此在題名之右

東坡遺跡

此在題名石旁

阮通志石崩墜覆壓巖口外視石旁僅見東坡遺跡四字耳俯身而入此刻仰刊石底因掘土三尺拓得之東坡遺刻經黨禁後輒遭磨滅此刻獨完或以崩墜故耳

右刻在德慶三洲北巖此亦儀克中掘土所獲者未

出土之前人皆疑在高要石室黑巖冥搜不可得蓋

由吳綺收入七星巖志沿曹學佺名勝志之誤也其

文有增改首云元符改元端午日眉山蘇軾挈家來

遊凡增十五字中改爲還自南海重遊未仍題元符
三年九月念四日夫同日斷不能分至兩地明矣况
考元符元年蘇軾正在儋州又安能挈家來遊星巖
耶

蘇軾詩石刻

行楷

次韻伯固遊蜀岡送叔師奉使嶺表 軾 新苗未沒鶴老
葉初翳蟬綠渠浸麻水白板燒松煙笑窺有紅頰醉臥皆華
顛家家機杼鳴樹樹梨棗懸野無佩犢子府有騎鶴仙觀風
嶠南使出相山東賢渡江吊很石過嶺酌貪泉與君步徙倚
望彼修連娟願及南枝謝早隨北鴈翩歸來春酒凍共看山
櫻然

跋附 按公年譜元祐七年公年五十七正月自穎州除
知揚州八月以兵部尚書召兼翰林侍讀學士此正官揚

肇慶府志卷二十一

志

州時自書之詩也集作次韻蘇伯同游蜀岡送李孝博奉使嶺表查初白注伯固名堅孝博字叔升時自山陽守以治行高第卽拜廣東提點刑獄故詩云觀風嶠南使王龜齡注孝博山東人而又相家故云出相山東賢其所稱叔師蓋舉孝博之字注家以師爲升當從墨本不惟詩中凍字勝集刻熟字也嶺南多公遺蹟獨端州郡城無之因於道光丙戌秋選工刻石泊已丑冬量移高廉將成行矣倚裘率識數語留置城北寶月臺爲此邦增一文字緣云仁

和許乃濟

右刻在郡城北寶月臺肇羅道許乃濟調高廉兵備時留嵌壁間自跋甚詳核因並附錄俾覽者有所考至原刻尙有明季邢侗一跋國朝翁方綱等九跋皆近賢且文繁不能備錄

端州陞興慶軍詔

佚

輿地紀勝元符三年十月徽宗卽位未改元詔曰惟高要之粵區乃南國之舊壤土風淳厚民物夥繁朕誕受多方紹承大統顧政卦於茲土寶賜履於先朝茅土之榮是爲基命節旌之重宜錫隆名可賜端州爲興慶軍

按王象之輿地碑目在肇慶府

鄭敦義題名 左行

上自端王卽位升潛藩爲節鎮開府之初叨奉明命辛巳夏
未到官壬午暮春暇日攜家來遊真陽鄭敦義

高要志徽宗以元符三年正月己卯卽位十月賜端州爲
興慶軍此刻紀歲敦義以明年建中靖國元年到官又明
年崇寧元年題名也今廣東志引文獻通考云元符三年
陞興慶軍節度徽宗卽位以潛藩陞肇慶府卽其事也肇
慶賜名在重和元年徽宗之立已十九年不得因此率合
爲一郝氏廣東志名宦傳敦義字尚仁紹聖間知潮陽縣
徽宗卽位上書陳事詔進一級不言知端州舊志及肇慶
志云仁宗時知端州嘗築石城鄒隸傳歎觀維鮑始築
甃已爲政和三年使敦義五十服官仁宗時尙未生且築
城事又不確今石室巖有崇寧四年知軍州事張漸題名
及詩則敦義已於四年前受代去安得政和癸巳尙在端
州其人其年必有一誤當以此刻爲準刻內官字下當一
石竅王字避之故特疎廣東志及翁氏金石畧据本誤
以爲闕文翁氏又譌四字讀之不成文義

右刻在石室大巖

廖蒙題名

熙平廖蒙吉文董粹臨安錢師愈同登晉康之香山觀佛跡
於峭壁 崇寧元下缺月辛下缺

右刻在德慶香山元字下缺當是元年

張漸題名

左行

知軍州事張漸子正前晉康假守譚挺直夫郡幕劉約无悔
前清海法掾許安修世永崇寧四年二月十八日同遊抵暮
而歸

右刻在石室大巖張漸保昌人熙寧九年進士

隸書殘字

望不回 藤幕口葛竟歸何處駐口時依舊向陽開神僊

右刻在張漸題名之右，乃幾字殘缺，僅存二十字，餘爲張漸題名所掩。姑附漸刻之後。

滕祐題名

左行

滕祐領使南海遊石室七星巖 崇寧乙酉仲春十九日

右刻在石室大巖乙酉卽崇寧四年

滕祐再遊題名

行書左行

崇寧乙酉仲春廿一日，攜諸吏再來，余欲去洞門亂石，可以步出北山，構亭其上，得天成之臺，却望此山，遂爲南屏盡揖。勝槩可乎？意後來者或能成之。滕祐題。

右刻在石室西巖北山，蓋指巖北萬松岡。阮通志以爲龍潭深處，高要新志謂所錄誤。通志又祐誤作祐。

滕祐酌泉題名

左行

南陽滕祐公安來酌此泉

高要志題名在黑巖每值水漲字輒淹沒故剝泐特甚石壁凹凸了不觀字迹初疑龍井必有題筆靖火迫視畧見形象揚出惟墨迹漫漶一片乃益烈數炬諦審石理十字始可讀非作意求之必不知此有古刻也

右刻在石室黑巖

張漸詩刻

崇寧乙酉元祀率同僚修禊於是巖郡牧始興張漸云妙意其誰運大鈞玲瓏奧室闢天真斗臨平峙精初結龍去丹霄穴未堙洪造故教虛待物良辰羸得樂同民我來禊有自然興豈羨蘭亭曲水濱

右刻在石室大巖張衡南都賦暮春之禊元巳之辰方軌齊軫祓於陽瀕元巳三月上巳也祀巳古通

滕祐題名

左行行楷書

滕祜出使南海西至端溪三洲久聞巖名同諸吏來遊

崇寧乙酉口春十九日

右刻在德慶三洲巖雲窩土中阮通志編在張漸詩刻後今從之

孝通廟尙書省牒草書

勅宜賜缺通廟爲額口至淮勅故牒 大觀二年八月七日

牒口奉大夫行左丞林店 太師左僕射尚

阮通志牒在德慶龍母廟即靖康賜額記之石上段也左丞林店左僕射蔡京並見宋史徽宗紀

按孝通廟即龍母廟七日二字上鈐尙書省印或謂

店尚皆押字

宋述詩刻行楷書

運使中奉詩五字橫列詩上不知何人書

遊七星巖 三四奇峯傍短亭一巖清絕冠圖經四時吞吐
西江水萬古森羅北斗星日月餘輝通澗竇霞微徑上青
冥嶺南惟此興王地好與邦人作畫屏 予問歲事自龍江
舍舟入端道由七星巖留口詩于石大觀己丑三月初六日
江陵宋述題

阮通志詩刻筆畫甚淺然拓之僅漫數字粵東金石畧以
為詩詞不可辨非也大觀己字下缺泐當為丑字已丑大
觀三年也未缺三字孫星衍袁宇訪碑錄云宋述撰高
要志此刻年月姓名皆的然可辨阮通志開十二字又誤
清絕為春色皆
搨本不工爾

右刻在石室大巖已丑為大觀三年

洪卜題名 左行

洪卜蕭炯王覺全遊 口寅春正月廿九日

高要志蕭下似是規王覺大觀四年任轉運使則紀年當為庚寅

右刻亦在大巖

傅泰光題名

江西傅泰光假守晉康經此男球琳玕侍行都巡黃彥林端溪縣尉孫慎微預遊政和四年甲午七月初十日門人張傳題

右刻在德慶三洲巖

朱令孫題名

左行

比曹外郎前封口口口口朱令孫嗣宗移倅巴陵同巡檢殿直李握前貴幕上嗣永世京端溪宰段照鄰亞之曲江簿馬象之持正偕遊甲午歲孟冬四日介之成之從行

阮通志題名但云甲午而不著建元之號按段照隣即鄰志職官之段鄰脫照字耳彼題名前為許鑒熙寧任後為陳洪彥紹興任攷宋代歲值甲午凡五消化五年至和元年皆在熙寧之前消熙元年端平元年皆在紹興之後則

此刻甲午當爲政和四年也

右刻在德慶雲窩土中考吳志秩官宋封州知軍州事朱令孫名下注比部員外郎與首行合然則所缺四字不離乎封州知軍事近是

朱嗣宗題名

左行

朱嗣宗世京段亞之馬持正偕至通甫深甫侍行

右刻在德慶三洲巖闕年月故附嗣宗雲窩題名後

古革題名

政和丁酉暮春程江古革逢時初自新昌移守興慶是年仲夏真陽馮齊荀祖道起於祥除來貳府政相與咨詢有請於朝次年春乃被旨陞作大藩政平訟簡歲豐民樂偶乘閑暇履訪茲巖酌泉泛觴歷覽佳致因誌歲月勒於崇崖時政和

八年八月二十日書

阮通志古革程鄉人紹聖四年進士事具人物傳新昌即
新州唐郡名也據此題名則革嘗守二州而郝志列傳不
載何耶簡卽簡字漢隸書从竹或從草政和八年十一月
改重和元年此刻在八月尚未改元也 原注粵大記作
河源縣人

右刻在石室大巖

吳展題名

宣和三禩孟冬念六日縣令吳展彥成因暇檢視水利兼監
揭府座亭額拉梁元齡喬年嚴詩雅言煮茶小酌男舜舉舜
陟侍行謹誌

右刻亦在大巖

龍母廟賜額記

龍王始末圖經與趙令則李景休二石刻所口詳矣祠宇建

立其來綿遠唐天祐初載始封口母溫永安郡夫人越明年
改口口口國朝元豐戊午敕其額曰永濟封永濟夫人大觀
戊子詔以孝通爲額蓋取卜地移墳意也墳祠俱在悅城北
岸舟人往來蠲潔祭享訖無驚波怒濤覆溺之患每以水旱
疾疫所禳者隨叩隨應自秦迄今幾二千載康人德神之惠
愈久愈深而廟食愈盛出入變化顯見示人罔有常形嗚呼
異哉戊子賜今額星霜凡十九換碑碣尙缺揆代匱郡事始
請文以誌豈因循苟且未遑暇邪抑神意有待也揆不敢默
靖康元年丙午八月望朝散大夫知康州軍州管句神霄玉
清萬壽宮兼管句勸農事借紫金魚袋吳揆謹記 從政郎
就權端溪縣令管句勸農公事嚴祖洽書丹 攝權司土曹
事兼司儀曹及管左推勘公事崔納誨立石

阮通志記石上截為尙書牒已斷裂矣而看字上神字撻
字上吳字適在彼石中今據補龍母在唐元和中呼為閭
城君宜春亦祀之唐盧肇有記此記云卜地移墳即盧記
所稱龍馬形於人謂人曰藏我母卑矣他日潮水蓄之非
葬之所也其將假爾牛馬為役以遷於顯爽一夕風雷大
至明日視之則姥之封若覆夏屋在於山巔云云是其事
也趙令則李
景休皆唐人

右記在德慶龍母廟

蕭淵言詩刻

留題三洲洞 宰端溪蕭淵言

山勢陵空下鬱近前森秀島應台荷洞中古老傳仙迹

圖經云古

老相傳有麗眉望外風光接海隅屹若臣心彊諫剖嵌如龜

腹効靈剏清幽景致仁人樂誰為名標勝地圖

阮通志詩刻不著時代郝志宋職官有蕭淵之當即其人

之字蓋言字之誤爾淵言郝志題名在熙寧許鑒之前則

此亦北

宋刻也

金石

卷二十一

右刻在德慶三洲巖阮通志附靖康末今從之

白載陽題名

肇慶口口口口口口客白載陽藍子惠賈明仲端仲王彥和
口恭彥明同遊石室口炎四年十一口九口

右刻在石室巖口溜水處高要舊志云在水洞壁上
其釋首數字作肇慶恭安口之口客新志云今不可
辨又少一字恐未然阮通志缺十二字又誤明仲爲
仲明末所缺當是建炎四年十一月九日也

范正國題名

范正國遊 建炎庚戌十二月三日 高要縣令王允迪募

工刻石

高要志范正國題名凡四刻皆正書其二在石室大巖其一
一在西巖其一在黑巖字獨大獨最漫滅無高要縣令一

行茲疏去矣郝氏廣東志職官正國紹興三年任轉運判官此刻庚戌爲建炎四年或志誤也一日之遊止此數字乃磨厓四處可謂好名今阮通志得高要全刻四十餘種却盡遺之並其旁范直方敬觀一段亦失載至官職表又誤其名爲國正

按庚戌建炎四年也

韓敏求題名

韓敏求朱積中鄭子永子正吳唐輔同叩星巖石室觀李公垂洎北海墨刻紹興辛亥十一月己酉張達明題

右刻在石室大巖辛亥爲紹興元年

趙慶裔題名

八分書

紹興壬子十月廿有三日浚儀趙慶裔長吉同弟廉裔叔隅方裔季矩姪穠種奉親來遊三洲巖余深命工刻

右題名在德慶三洲巖阮通志云姪卽姪字

紹興恤刑手詔碑

廷尉天下之平也高柔不以明帝喜怒而毀法游靡不以宣武勅命而曲筆況可觀望臣庶而容心者乎曹劌謂小大之獄雖不能察必以情爲忠之屬也可以一戰不其然乎可布告中外應爲吾士師者各務仁平濟以哀矜天高聽卑福善禍淫莫遂爾情罰及爾身置此座右永以爲訓仍剗付臺屬憲臣常加檢察月具所平反過刑獄以聞三省歲終鈎考當議殿最紹興三年正月九日貳

右碑在封川縣署有額篆書紹興恤刑手詔六字九日二字上鈐御書之寶九日下似是押字

范直方題名

口直方來遊敬觀叔父題字紹興癸丑清明日崔紹同來

高要新志云舊志所錄首一字爲范注云左刻
勛不可讀左刻卽范正國題名蓋直方叔父也

右刻在石室黑巖癸丑紹興三年

朱文中題名

八分書

朱文中孫義因趙季擇李靜叔紹興五季中冬式十式四同
遊

右刻在石室大巖

何柔中題名

邑令羅浮何柔中紹興辛酉首春來遊

按辛酉紹興十一年

廖玖題名

廖玖粹老癸亥上巳

阮通志題名但云癸亥上巳不書年號玖鄧名世姓氏書
詳澄玖爲容之父萬姓統譜粵大記並稱容紹興五年進

土厯戶錄縣令改秩授封川教官時父新州秩滿歸容
迎養之及卒歸葬服闋知化州据中興繫年錄容知化州
在紹興三十一年則改之卒在三十年之前
此刻題云癸亥蓋紹興十三年守新州時矣

葉南仲詩刻

行楷書

斗峯遙認舊嵩臺爲勸耕農特地來短李高名光翠壁
眞跡沒蒼苔洞天日永風埃靜巖竇雲收霽色開好景最宜
供賞宴搢觚欲賦愧非才

紹興乙丑仲春上休郡守葉南仲拉同僚來遊因留五十六
字

高要志云肇慶志職官南仲侯官人進士朝散郎知新州
軍事次紹興二年後此刻乙丑爲十五年蓋由新州遷肇
慶據詩中爲劉眞跡之語石
室當有南漢題刻今已不見

王次張題名

濟南王次張漢老莆陽陳可大齊賢紹興丁卯歲二月二十

九日清明同遊

斗光大字 行書

斗光 紹興十八年八月 缺

高要志年月下為明
吳國倫詩刻剝去

吳公路題名 左行

公路同行道來遊男資孫鏞鏜侍行紹興十八年閏八月八日也

高要志云福建通志吳遠字公路崇安人宣和三年進士
初知新州擢知肇慶府置學田籍以杜豪民吞并此刻蓋
知郡之年

楊王猷題名 左行

廬陵楊王猷單騎薄暮來遊紹興辛未人日記

黃公度詩刻

天上何時落斗星化為巨石羅翠屏洞拆三义盤空曲壁立
萬仞穿青冥客尋舊路不知處龍去千載猶聞腥欲訪仙子
問真訣岩扃寂寂水泠泠壺山黃公度師憲紹興甲戌正月
上澣題

高要志公度
宦績有傳

鄭安恭題名

襄邑鄭安恭子禮臨江歐陽庠文周長樂陳致一貫道三衢
柴衛元忠紹興二十八年上元同遊

高要志云諸志職官安恭紹興間知摩慶府不言某年
此刻在三十一一年任轉運使之前則為知郡時書矣

紹興殘字

日
缺黃齊缺巖甫缺單缺戴師文缺紹興二缺春十

高要志上段爲明李偕詩刻磨壓紹興紀
號凡三十二年二字下不可攷故繫於未

按以上十刻俱在石室大巖

張登石刻

熙熙亭

按陽江志熙春亭在北山頂西南巨石傍紹興辛巳
知州張登礬石大鐫熙春字併詩今觀拓本乃熙熙
亭也詩另編入古蹟石刻未見

張宋卿等題名

左行

羅浮張宋卿華陽王子渭吳興陶定乾道丙戌暮春廿一日
遊

高要志宋卿宦績有傳丙戌爲
乾道二年其年陶定提舉市舶

右刻在石室大巖高要志以爲陶定書也

廬慶府志卷三十一
陶定題名 共十三字

右刻在石室巖外已附見李邕記末

李綸石刻四字 未見

名園勝槩

右刻在陽江西園按縣志乾道七年知州李綸刻石

詹儀之題名

桐廬詹儀之體仁以職事經由淳熙丙申二月六日

右刻在德慶三洲巖體仁儀之字也朝野雜記稱體仁嘗爲廣西漕巡淳熙九年入爲起居郎明年正月除吏部侍郎四月除集英殿修撰知靜江府然則體仁知靜江府在淳熙十年此云丙申爲淳熙三年以職事經由蓋漕事也廣西通志悞以淳熙二年體仁

知靜江府考是年知府乃張栻見朱子虞廟碑

趙廳紀遊詩

行楷書

古端有奇盼名巖擬天星傳聞輦轂下往往極口稱有爲背
馳說曾不如上陵請君勿誇山恐非動者情請君勿譽水靜
必惡淙琤元酒薄滋味衆口難調羹甲乙偶相背馬不同牛
耕海上有逐臭寧云爾德馨主人何負盜勢固爲盜憎茲山
豈求全乃與人事并信信而疑疑世態犬吠聲百聞輪一見
日月中天明我綰高要章往返萬里程凜然民社寄旦旦朱
墨繁及茲瓜戍期作意星巖行星巖有佳處丈人試靜聽空
洞似容德不禁魑魅停其中百尋泉澄撓無濁清神龍倏兮
來穩穩石榻橫忽焉風雲合霹靂行雷霆驅逐百種怪慄慄
心膽驚爲山何用高有此足以名提攜翹居士賓從盡豪英

刻山與題柱悔罪付兩鯨男兒須辦此誰能作蠅營 浚儀
趙應和仲以淳熙二年乙未來守肇慶適當殫乏後以拙直
理郡事日不暇給逮丁酉孟秋秩滿府僚俸給不積軍士廩
餉如期尤幸聖澤遠被雨暘時若歲事豐穰訟平盜弭後使
君過戍月未至始得與郡官同遊茲岩因賦詩命刻諸崖以
紀時教授丘微之夢錫節度推官權倖許通亨之錄參傅濤
次山高要令范念祖德修司法邵穆幹臣四會簿尉權司理
林奉先紹德高要簿李抃師悅尉黃補季全兵馬都監李濟
巨川監押趙善冲太和同巡檢許浚少清前巡檢宮良弼彦
輔寄寓前東莞邑宰孟栝幹臣同來實十月惟前教官林致
覺之戎官趙彥潯以數十日前離任不與此行先是郡守之
子肅曰伯清湜曰伯正泌曰伯淵浹曰伯廣洽曰伯潤汲曰

伯升女曰淑女淑儀淑懿曾奉其母劉來遊劉氏光烈之子
光世之姪

阮通志趙隆宋詩紀事稱爲忠簡後人今按隆官肇慶在
清熙與忠簡同時相去不甚遠又其妻爲劉光世之姪光世
與忠簡同時則隆豈卽忠簡之孫耶隆粵東金石畧及畢
沅續通鑑並作庭誤又粵東金石畧所錄詩後題各以石
刻校之謬舛尤多當據此爲正也高要志云諸志職官
印微之誤作明之范念祖李非皆誤書其字又誤德修爲
邵德

右刻在石室大巖以高要新志爲定本刻對此刻止
一字不可辨翁氏金石畧載其題名闕至四十五字
其存者又誤十四字阮通志錄全文闕九字誤四字
亦不得據以爲正

王亘題名

黃應求蔣景迂陳元翁秋試開院王伯通集于翠巖亭時淳

熙癸卯八月晦日

右刻在陽江北山

王亘題翠巖亭詩

一壑盤蒼玉峯纔五尺
天人問怪泉石嶺外好
山川寺近鯨晨吼林深
犢晝眠謫仙三百載此
樂有誰傳 合沙王亘

右刻在陽江北山按阮通志王亘字伯通福州人淳熙間知南恩州軍州事

趙善擇題名

淳熙十三年上元前五日玉牒善擇智老伯杓景茂趙庚叔
初徐世亮正顯黃執矩才用羅口龜仲葛嶠景高徐盈謙口
口口臣夏卿陳飛英子聲陸台師鄭公表若儀吳日新口口
口口國瑞聯轡來遊是日春事妍口物情口暢攜壺挈榼班

荆口口曾行無筭酒酣抵掌論前口之口口口民間之利病
口以言口口口永興盡而返日口西口口口口頤大書深刻
以紀歲月云

高要志清熙十三年三字石上闕文似玉著錄家皆作十五年誤也廣東志闕四十二字誤二字翁氏金石畧闕五十字脫四字

右刻在石室大巖

白勉之題名

紹熙辛亥清明日白勉之挈家來遊五子侍行

按辛亥紹熙二年也

徐安國題名 行書

紹熙癸丑日武林徐安國敬觀子松侍行

高要志右題名在景福大字之上闕處爲明黎近詩刻磨去癸丑當是丑字廣東志職官表安國慶元二年提舉常

平此刻在紹熙四年或志誤

按國字已闕半敬觀謂景福大字

徐安國詩行書

口口口口柄通口絕口分形合氣口七石含虛口口舌六口
口鑿洩雲煙冥行忽見日中斗口口安知壺裏天莫道挹漿
成畫餅口口口乳滴涓涓 徐安國

高要志詩在題名左數尺石
陷入如白故行間欹斜不正

右三刻俱在石室大巖

繆瑜詩刻

蓬來山上口仙宮口口口闕凌虛空煙濤微口不可涉徒有
丹青人未口如何大造口口口口兀口臺郡城北洞門竟日
鎖煙霞嵌口口口口口口口北斗辭經躔魁杓厯厯墮眼

前不與天公管喉舌却於平地巢神仙寶蓋低垂自盤古涓
涓雪竇流膏乳石牀猶帶神龍腥石井幽深通水府二李遺
蹤得訪尋捫蘿□□□□□□□□□□細□蛟龍□□□□□
□□綬□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
女入名山遊□□□□□□□□□□□□□□□□□□□□□
乘興此夷猶惜無大筆追曹劉剩留記刻巖之幽 嘉泰□
□臘月邑令□□繆瑜

右詩刻在石室大巖吳志繆瑜嘉泰二年任高要令
又輿地紀勝謂瑜有嵩臺記茲特未有剩留記刻巖
之幽句殆卽是也今不可得見附識於此

陳光祖題名

嘉定乙亥臘月既望莆陽陳光祖世德攜家來遊同里葉觀

鹽伯偕行

阮通志陽上缺一字據南姓統譜載陳光祖字世德希造
之子仙遊人則缺字當為莆字也統譜又載光祖知英州
日上供泛輪幾信光祖奏蠲第四戶以寬民力滇陽渡滿
惡舟多覆溺更創巨艦以濟廖德明行部嘆曰陳公可謂
依本分君子矣德明嘉定初提點刑獄此刻題云乙亥為
嘉定八年當即光祖知英州之時郝志職官云至道年任
恐誤也高要志葉觀
福州人紹定中知湖州

右刻在石室大巖莆字本可見阮通志所採拓本偶

失之

徐龜年題名

未見

嘉定丁丑二月既望古端郡守嘉禾徐龜年出郊勸耕是日
雲霧開霽風物舒和膏泉霑足土潤口起口於農力歲事可
卜延見父老勞以酒食而遣之因畱星巖小憩而歸時節推
權通判清江譚邢司權高要令贛水葉敷榮同行

右見高要舊志在石洞壁上

徐龜年趙汝襲題名

嘉定戊寅春二月望郡守嘉禾徐龜年率權高要令錄參趙

汝襲勸耕于星巖後二日沐人趙汝襲挈家來遊弟汝附

子崇華侍溫陵謝庭玉莆陽阮時孺偕行

阮通志徐龜年崇德人清熙進士累官監察御史以直華文館知溫州改徽州致仕萬姓統譜不言其知肇慶府事汝襲汝附崇奕皆宗室也高要志後二日一段字稍小別繫於後華字木火旁阮通志敬避作奕

右刻在石室大巖

趙希閔題名

郡守趙希閔偕子姪與溱與琬與心來觀戊寅中冬既望日

識

高要志云諸志職官有趙希周嘉定間知肇慶府据此刻則希閔之誤戊寅則嘉定十一年也郝氏廣東志別有知

新州軍州事趙希閔一人次咸治後今廣東志無之肇慶志作希閔注云朝散郎有修學功一作閔非攷咸治元年乙丑距嘉定戊寅已四十八年其人未必尚在後戊寅則帝昀祥興元年自仲冬既望更六七十日而宋亡亦非郡守遊觀時矣則希周為希閔之誤而希閔別是一人無疑耶氏於希周下注云嘉定人則又誤以年號為地名爾

右刻在石室大巖按闕字似是德字

義井石闌字

嘉定癸未

吳志義井在府治東八十步包公所鑿其水清冽甘美秋冬不竭井闌刻嘉定癸未字明董源重修包公井記井之作昉於宋康定庚辰至嘉定癸未一百八十四年始克修之

按包公知郡事在仁宗康定時按修井記稱庚辰是歲二月始改元康癸未則嘉定十六年也井闌字乃南宋時重浚所刻

鄭澤甫題名

寶慶改元詔前莆田鄭澤甫偕三季源甫殖甫懋甫遊此崑
同里友人丁學詩與焉

高要志理宗以嘉定十七年閏八月丁酉
卽位明年正月改元此刻當在十七年冬

莆陽鄭起沃題名

莆陽鄭起沃汝說丁伯桂元輝鄭鼎新中實五仙曾潛達之
建安張毅然仁叟三衢曾煥黃中秦郡趙善邨國成清漳梁
傅巖叟黃擇中夫三山黃壁舒文王澤履之臨安李岳山甫
開封陸濟巨川以寶慶改元正月五日同來

右二刻在石室大巖

鄭起沃題名

寶慶丁亥二月旣望古端守鄭起沃郡丞陳口衢高要令趙
善服勸口于郊因訪星巖同寮陳顯伯吳昭嗣孫瑞口應時

鄭夔黃擇王良佐趙公堪陳璇皆從是日也宿雨聞霽光風吹林井畝興鋤畜牧被野此字民者之志也

高要志起沃諸志職官皆云紹興間知肇慶府建置篇內亦云紹興間增修府學此刻丁亥為寶慶三年自紹興末得久任如是此記載之妄也

右刻在石室巖外翁氏金石畧阮通志均闕至十一
二字勸字皆誤劭當是勸農于郊也陳口衛孫瑞口
舊志作一衛瑞槐存參

鄭公德政碑篆額

肇慶判府提舉鄭公德政紀實

缺

高要志碑在石室大巖巖口築石盡沒其頂掘土出之其文已漫無一字惟此額未泐以結銜考之鄭公即起沃也容齊三筆論判府知府之別言國朝著令僕射宣徽使使相知州府者為判今世茲爾小壘區區一朝官承乏作守吏民稱為判府則自紹熙慶元間判府已為知郡通稱庶東志載起沃紹定元年鄉貢慶元提舉常平故合遷銜稱

之碑蓋立
於是年也

趙時詩刻

因遊石室留二十八字趙時假守聖朝多宰輔紀題昔日
盡名賢我今始會由來意此境棲遲本列仙女塔沈因書
右刻在石室大巖高要志以其不著年代故附宋末
考趙時見於英德碧落洞夏子昂題名稱爲玉牒趙
時迺衡甫時紹定庚寅蓋理宗時人冠以玉牒亦天
潢也因錄於紹定之後

石峒廟碑

石峒

缺

石峒神周氏高要人唐貞觀初封貞政公劉漢加

王爵國初避禋廟諱曰秉政神威德之顯郡人卽其居之旁
建祠今府治北十里將軍嶺之東七星巖之北一峯虎踞巖

穴天開是爲石峒廟其中南口口門上虛通天四傍異石彷彿輿馬徒御拱列呵口口禽鳴嘯出沒空處聲傳恍若神語遇夏潦漲口口口至狂風怒濤則洞有龍歸世傳謂王口口口口穀熟人厭鮮食今洞有歇龍池是也口口口口口寇至一城陰禱其徒不終夕遁去人物口口口口口永永不替蓋功則祀周典也乃作詩送口口口口口遊兮何所爲祥風兮甘雨人俟神口口口口口年萬年兮岍嶓此土神之歸兮峒口口口口口人荷神休今年穀斯豐竚觀天寵兮口口口口平口年正月朔從事郎肇慶高要口主口呂口記并口承直郎肇慶府司法參軍顧梅篆蓋口口口州司法參軍兼司戶伍萬全廸功郎致仕梁彌明立口

高要志碑上下皆剝泐惟中段完好篆蓋二字古惟嶺誌用之無施於碑碣者此誤也舊志錄此文前署名曰呂成

未云端平二年長至日文句長短錯互幾三之一頗似率
意點竄不僅模糊之失嗣有欲龍池是也下志作皇祐四
年僞寇至考東都事畧其年五月癸亥僞智高陷端州東
軒筆錄謂州守丁寶臣棄城遁其事前志皆失載碑云一
城陰禱其徒不終
夕遁去蓋變言也

右石峒在府治北十里七星巖之東北俗名出米洞
吳綺云洞口有定山石室四大字呂成高要主簿

曾純趙崇垓倡和詩

斗宿垂精插碧空嵌巖太古石屏風自然一道玲瓏穴誰見
五丁開鑿功寶裏乳泉時點滴門前灑水暗流通吾儕洞目
崧臺景謝屐何曾到此中清源曾純景亮偕趙同年作
地本平陰嶽本空巖名以斗古傳風世人適意爲行樂造物
無心着巧功弱水蓬萊仙境界石橋方廣佛神通達觀不作
塵寰看笑挹天漿樂在中浚儀趙崇垓德暢和會同年

阮通志詩刻不著年月廢別有趙崇垓曾純紀遊石刻
下其字倍大非詩本
文蓋舊刻磨蝕者

趙崇垓題名

端平乙未嘉平朔後二日權郡貳羊石趙崇垓德暢侍母偕
權理曹新興寧令清源曾純景亮法掾三山趙彥囁源叔權
糾高要簿清源趙錚夫君玉寓公提屬清源莊世雄仲傑攜
家同遊源叔子泚夫德暢子必錚侍聊紀歲月云

阮通志題名在會純詩之後諸趙皆宗室蒞官至越
者郝志職官於遺之乙未嘉平端平二年十二月也

章邊題名

行楷書

嘉熙丁酉臨江章邊董試秋閣後同考官合沙劉漢英清潭
徐雷開來遊

高要志邊字從玉阮通志職官表載章邊寶慶三年以通
直則知保昌縣意即其人字誤從血廣州府學有章公增

修學原碑後題從事郎廣州州學教授合
沙劉漢英撰紀年與此刻同嘉熙元年也

區永年題名

星巖端之勝槩嘉熙戊戌歲重陽之明日區永年呂章李德
秀倫冠卿楊天起區億年林時英梁延祖李伯震衛觀光梁
光祖李伯常趙彥紹張攀龍鄧賓之黃天祐陳英元梁巖叟
李季英葉達可趙漉夫趙若櫟同遊

右四刻皆在石室大巖戊戌爲嘉熙二年

嘉熙詩刻

星巖口口口口口口口能一再遊山列口口口口口口口
口填洪流神人口後蛟龍口隱士口來猿鶴愁我已乞身香
火吏結廬此志未容酬星巖之勝聞之久矣竭來假守公
餘僅得一到今歲同府判徐丈方能再至驚日月之易得悵

功名之口立徐文有築屋之興因思去歲府判趙丈亦嘗欲起菴於片臺因循不果適丐祠得請去此有日因成小詩識

缺

赴安

缺

時嘉配

缺

高要志右詩刻前為別刻一詩所掩掩者姓名亦闕末二行識字配字下又為明李寵書磨去

庚戌殘字

缺

口口諸同官遊口口口祐庚戌

缺

高要志右殘字正書前後為明鄒光祚涂相二詩歷刻不可辨正史以祐字紀元者十有一五代漢隱帝乾祐三年宋理宗淳祐十年皆次庚戌嶺南非乾祐誤圖此淳祐十年書也

右二刻在石室大巖

謝敬奎題名

八分書

敬奎先生持口節來遊景定甲子春權守王僚先題

右刻在德慶三洲巖

蘇良詩

咸淳乙丑夏月番禺蘇良同張彭二寅契來遊因以紀勝
杖屨追隨入翠蓬玲瓏一竅徹心胷山羅斗宿英靈萃地鎮
龍潛氣勢雄碑蘚猶涵周子澤澗松仍有老包風歲寒共約
吾三友要把清規踵二翁再詠星巖曾聞媧氏補天漏
也記春秋石隕星却訝端巖星錯落何時漂墜數拳青

高要志云肇慶志秩官良知府在咸淳二年後此刻乙丑爲元年蓋志誤也

右刻在大巖內乙丑夏月咸淳元年十一月也

劉梅溪德政殘碑

口口口口口德政碑 端守自孝肅公後不知幾更政績之

善人紀者鮮今我口侯梅溪劉公由外府丞口頁郡紱三年

于茲職稱民安口如始至仁口仁口口口口不可枚舉邦

人思之無以口敬謹條德政之大綱刊言口口口堅石庶使
聞者見者口之景之侯蜀之長寧人名掣其存心以仁守已
以廉接口以禮撫民以寬律軍敕口吏嚴口口口刑恐
口口口政勤化姦治盜各得其宜修城鑿池不用民力郡計
之口者代補亭館之廢者復興深愛在人家碑戶咏稱之曰
口母非可強而致者朝廷清口循良顯用會且歸矣口口口
口元口口跡就斗巖之南立祠以口吾口口又口口口口口
峭壁紀實政以永嚴瞻表都人口口之意云咸淳口寅仲春
鄉貢進士張宗傑府學口口口口口進勇口口口口老鄉貢
進士陳口魁口應梓府學學諭李唐臣府學口口陳舉廣進
勇副尉陸口口國學正奏口口龍應口口口士府學學諭陳
昂口府學直學梁口口鄉貢進士府學口書梁杰侍省進士

前府學學正董以舟百拜口立

阮通志碑爲前至元戊子月忽乃題名所掩此文乃掩之
未盡者劉公名叔子事不可考然當時爲之立祠勒碑當
必有以入人深者方志名宦無其人可惜也咸淳下有缺
字以寅字推之當是二年丙寅其額亦磨泐殆盡惟德政
碑三字約
畧可見耳

右碑刻在大巖璇璣臺側阮通志不錄碑後題名高
要志全錄存一百三十六字

黃崗葉題名

淮南黃崗葉口咸淳戊辰孟春望日祇此斧柯謾留記耳

右刻在爛柯山水巖峯頂高要志謂土人名其處爲
狀元府巖祇此蓋抵此刻誤

趙汝來題名

未見

咸淳辛未良月上澣蜀趙汝來子益贛陳繼周碩卿來遊拜

觀濂溪先生留題從容竟日男趙崇隄陳宏父孫陳都坐侍

按高要舊志云在石洞壁辛未咸淳七年

瑞禾二字 未見

右刻在陽江北山石塔傍並有款識按縣志宋咸淳中南恩州大有年嘉禾三穗州守涂久大鐫瑞禾二字於石今亭廢而字跡猶存

趙善琚題名 左行 以下年代無攷

趙善琚弟善瑛來

阮通志題名從土中掘出不著年代錦繡萬花谷趙氏王
蝶派太宗下元字允字宗字士字不字善字則琚瑛並太
宗七世孫也太宗七世孫有善琚者居南海四胡詩載其
錢陳匪宰之謙泉五律一首以偏旁从玉例之琚瑛豈其
行輩耶

右刻在德慶三洲巖

龍母廟殘碑

奉批仰肇慶府

阮通志文字剝落其成文可讀有曰奉批云云按端州陞為肇慶府在徽宗重和元年則此亦宋刻也

右碑在德慶龍母廟即此可見當時公移之體批仰字宋代已有之敘公移入碑刻亦一例也

元

朱國寶題名

燕京朱國寶宣授管軍萬戶同知廣西道宣慰司事鎮守肇德封梧四郡提兵駐此時至元己卯仲春吉日題 教授尹甲書

阮通志朱國寶其先徐州人後徙寶坻元史有傳

右刻在石室大巖按朱國寶元史本傳至元十四年

進秩萬戶鎮守梧州領安撫司事十五年加懷遠大將軍十六年遷定遠大將軍海北海南道宣慰使不言同知廣南西道宣慰司事地理志至元十三年徇廣東惟肇慶未附十五年廣南西道宣慰司定之因隸廣西據石刻提兵至此則定肇慶者意卽國寶也已卯世祖至元十六年是年二月帝昴赴海宋亡

王宣慰詩

行書

崧臺形勝若蓬瀛玉立奇峯號七星一片波光連樹碧四圍山色抱松青錦帆隱隱來幽浦白鷺翩翩下遠汀爲愛洞中僊景好月明三鼓酒初醒
大中大夫同知廣南西道宣慰司事燕山王口題 承事郎肇慶路總管府判官陳元口從仕郎肇慶路總管府經歷孟鐸立

阮通志詩刻不著年代攷元史地理志前至元十六年廣南西道宣慰司定肇慶因隸廣西十七年仍屬廣東此詩廣南西道宣慰司王口題肇慶路總管府判官經應為之立石則肇慶是時未屬廣東可知矣故疑為十六年刻

右刻在石室大巖

梁雄飛題名

驃騎衛上將軍廣東道宣慰使淮右梁雄飛明威將軍管軍萬戶溫陵王與公幹寓此偕寮屬游宴而歸時至元庚辰菊節題

右刻在大巖庚辰世祖十七年

縉山李樸二詩殘字

天然石室壯端州非假

缺

三四點星無晝夜幾千

缺

但知山

月江風好不覺

缺

直上斗魁臺上望乾坤

缺

至元癸未上巳

縉山辛

缺

天文地理本相通象緯

缺

角

諸山皆拱北面

前缺崖碑畫裏懷周子石室缺臺在魁杓最高處缺通明缺

眉山李樸陪繙山遊十缺

右刻亦在大巖高要志云下段為明涂相詩磨去阮

通志止撮錄十八字

嚴居貞題名

至元乙酉日長至承務郎肇慶路總管府判官嚴居貞正甫
奉訓大夫肇慶路總管府治中黃澤潤甫武德將軍同知肇
慶路總管府事張旺興甫公餘來觀精爽頓豁石竇自室天
梯可階古端勝槩也乃鐫此以紀曾遊

高要志云元史地理志至元十七年改肇慶為下路總管
府百官志至元二十年定十萬戶之上者為上路十萬戶
之下者為下路當衝要者雖不及十萬戶亦為上路下路
不置治中員而同知如治中之秩此刻乙酉為二十二年
有肇慶治中豈二十年定制時以
街要改上路耶借史無其文也

右刻在石室大巖

月忽乃題名

燕京月忽乃以中順大夫柳州路總管府達魯花赤易守是邦公餘率僚屬來觀一竅通明萬象呈露勝境也故鐫此以紀曾遊皆至元戊子修禊前一日

右刻在石室後洞觀音像傍壓刻宋劉梅溪德政碑上粵東金石畧謂其字徑二寸許正書不佳達魯花赤蒙古語猶云頭目草木子云華言荷包上襟子也王圻亦謂荷包壓口蓋取管轄之義云

至元殘字

至元戊子初秋一

缺德口彌繹以簽提

缺

高要志第二行後爲明鄒光祚詩刻磨去下段又爲他刻所掩

星巖詩刻
張顯祖詩刻

行書

題七星巖詩

提刑按察華峯張顯祖子正

信馬崎嶇細路通山圍四面錦屏風一區仙境蓬萊島七點
星巖兜率宮江水朝東宗大海松臺拱北插高穹他年擬赴
蟠桃會王母頻斟醉此中 至元戊子冬月朔

阮通志提刑按察
郎肅政廉訪司也

王顯德詩

七星峯頂聳蒼穹僊境塵寰迥不同龍殿巖前珠滴瀝斗魁
臺上玉玲瓏長生石髓藏山罅煉性丹砂閉井中雲路一朝
令我識銖衣作翼便乘風 至元己丑十一月王顯德耀卿
右三刻在石室大巖已丑世祖二十六年

文璧詩刻

此郡巖分上下中七星奇觀更稱雄似聞石燕靈根出疑與
鮫魚別穴通池上飛僊騎北斗山間過客操南風深陵高谷
知何限獨立斜陽口良窮又賦誰鑿混沌竅中爲輕清天剛
風運釐背弱水噓龍涎靈草能延壽魁臺可揖仙元公知命
者曾此石崖鏤至元庚寅上元廬陵文溪文壁

右刻在石室巖內璇璣臺側按壁文信國弟爲惠州
守宋亡降元附見粵大記趙必瑒傳斜陽下阮通志
作哭路高要志審泐文非是

廉訪張聶二公德政碑記

佚

趙鼎撰水旱因仍天之數也聞水旱僉事道之職也是故設
官分職所以爲民我朝設立道廉訪司問民疾苦俾遐陬僻
壤皆得以被我聖天子如天之仁古端瀕海郡也元貞改元

旱魃爲虐龜拆田疇農失有秋憂生菜色僉事張公汝弼字
明之真定人也巡按各路貸米二千石賑濟饑民申免稅糧
六千二百餘石以寬遠漕今大德元年有夏徂秋西潦洊至
田廬淪沒種植廢遺僉事聶公輝字光甫平定人輅車蒞止
心尤惻然無依之民備舟以踏淹浸之田委官視驗共減糧
斛七千七百石有奇邦人舉手加額咸曰前有張父後有聶
母解兩邑倒懸之民續一郡垂絕之命何其幸歟昔禹思天
下之溺猶己之溺稷思天下之饑猶己之饑二公宣上德意
禹稷之心者也夫二公之善政興蠶舍弭強盜革貪殘固非
一端指言我百姓蒙更生之實惠此第一事也願紀之石以
垂方來使來者有行荒政或罹斯患卽二公之軌循之則端
民受無窮之賜豈淺淺哉於是爲之頌曰峽水泠泠兮公同

其清星巖巍巍兮公齊其名於千萬年兮播二公之仁聲大
德元年丁酉大中大夫肇慶路總管府達魯花赤子海牙奉
議大夫同知肇慶路總管府事董瑞經歷程準知事延瑞高
要縣達魯花赤阿都怯憐縣尹王恕主簿李通縣尉尹成典
史陳諫立石

按高要舊志云碑刻在七星巖今亡考鼎大德中任
學錄占籍蓮塘村近村之神符巖又有七言近體一
詩末題至元壬辰歲上巳愛仙趙鼎高要新志謂其
詩不類疑爲贗鼎因附於此

宋壽王燕宗龍題名

奉訓大夫肇慶路總管府達魯花赤古汴宋壽王景福昭勇
大將軍肇慶路總管兼府尹廬山燕宗龍叔亨暨文武僚衆

來游是日也天高氣清人物咸悅星巖絢采僉謂巖瞻之佳兆也至元庚辰菊月題

阮通志元有兩至元庚辰世祖十七年順帝六年考元史百官志至元二十年天下路府置達魯花赤一員此刻稱肇慶路達魯花赤則爲順帝時刻矣

張居政題名

將仕佐郎肇慶路總管府知事張居政端甫癸未菊節遊此書以記之

高要志世祖至元二十年順帝至正三年皆次癸未攷元史百官志諸路推官經歷知事皆至元二十三年始置則題名爲至正三年刻

右二刻在石室大巖按阮通志此條誤列前至元中左誤作佐雖可通究非本文

周驥題名

入分書

廣東廉訪僉事周驤宣慰副使刺思八朶兒只都事孫恒憲
史才八刺彭翰帥史陳良貴至正九年十一月十有五日同
至此 端庠諸生李明書丹

高要志憲史下似大字闕末一筆非才字也
端庠一行正書特漫減阮通志所錄佚之

右刻在石洞

楊廷璧平寇記

古端兩邑三四年來爲獠寇突境日以殺戮掠賣爲事鄉民
苦不忍言已丑冬杪東平路恩州楊廷璧字君璋以昭勇大
將軍廣西道宣慰使奉省檄督師而來庚寅上元日卽破賊
矣端民均拜更生鑄此以紀實云時庚寅仲夏晦前一日

阮通志案七星巖志載此刻突境作窺境字君璋作李君
璋卽破賊矣作卽破賊焉皆視之未審爾獠寇卽獠寇蔣

丙庚寅至

正十年也

右刻在石室大巖

姚貢夫題名 左行

至正壬辰季 第二行 僉憲姚貢夫 第二行 王景雲先還 第三行

右刻在德慶香山寺後石上壬辰順帝至正十二年
阮通志云季字夫字下尙有字或磨滅爾

大田峒磨崖碑

鴻荒有世聖人治之口夷蹊峒皆口化焉其大田之峒四口
萬山枕口諸口之域西北則有君子黃沙之峻嶮東南而口
大人石岸之嵯峩峒內去江陽朝口口口口口谷登歲
豐民樂紀世相忘口口元中統間歲在庚申峒內口口
者李公口五兄弟忠孝道口口洞口諸口口梯口菱禽
諸峒俱係新昌古口羣獠雜居口惡狂迅口害茲口民不安

處李公之兄弟口能克制羣獠口頗靜處歲時輸口者口口
甚洞民口口口口之樂口歌鼓腹之歡四口余年李公之
功致焉公口則不口口口口口口岑富口之徒逃居于牛
口峒口口獠人口口口境口洞民相聚爲盜口口之至皆遭
流毒害良口口分口口口爲口口口口口兄弟家
世茲土皆流離奔竄口于東西或陷口兵大口口口賢
唐華山父子口獠口祖孫之徒殺戮無遺其類峒內張口口
口口口口之民口非投客口家於獠人贖罪口不免焉洞
民塗炭口口不可口口口口峒民協同爲盜四方口主口
口攸司及藩閫憲口口口口口州縣口口口兵或營口
于三口之原石口之嶮軍兵足跡口口蹈其域窺口口口
口口襄文具罷去獠之口口口四五十年口口是仕口口寨

巡檢□□□吳公元良□□綿里凱岡吳公吏目之子也家
世積德公□□弱冠歷涉經史□□□□□□□□□□
□□藩閭奏差□□侍親不仕親終居家至正壬辰鄰郡新昌
新會□□□□起如蜂□□醜徒□□□□□□弗克制期年
而盜不犯境暨西賊聞風□□自遁□□□□□□□□□□
□□已仲秋吳公胸次丈義不平之憤□□□□□□□□□□
□□□□□□林軒李志遠韓□□□□善鄭友直梁桂年
□□□□數千壯士直杜洞內黃沙徑□□洞民從者如歸市
或持牛酒相勞有平坡一村之民與獠人有□□不忍從兵焚
其倉廩□□其禾□□於是狂徒來迎赦不搜斬獠人梟令平坡
之□□降左□□故執之吳君免其罪□□心大悅洞民不四日
□□功成肅清整謐□□如故□□□□太平亦□□□事吳君進不求

名退不口罪惟民是保有自得無口口來者口口口口口
至正癸巳十三年十二月良日儒學正鄭文趕記 大田
洞耆老前恩平寨巡檢馮惠口立石 同立口戶馮口玉吳
明大

右刻在恩平縣西北石圍口山崖上粵東金石畧錄
此碑題名鄭文口記文下缺一

王良德政碑

德慶路鎮遏萬戶王侯政蹟碑 從事郎德慶路總管府知

事前遼金宋三史校勘楊鑄撰文 奉訓大夫德慶路總管

府推官馬克書丹 翰林學士承旨榮祿大夫知制誥兼修

國史張起巖題額

昔我太祖皇帝之取中原也真定王氏首破金將武仙之兵

二十餘萬以迎王師是爲趙國武康公而武康之子恒山忠武王益奮雄烈爲國元勳朝廷崇德報功命其允胄世佩金符爲萬夫長以鎮豫章而又屢著顯績至于今侯繼勲華之業備文武之才屢更鎮戍克茂厥功爲時名將至正十年春以江西行省之命移鎮德慶德慶民猺雜處且界廣西數罹寇虐侯至則撫綏兵民嚴爲之備是夏江水暴漲懷江陵滅市肆民多墊餒侯爲惻然亟貰米以振之旣而謀報有寇五百自上游具舟楫備器械將乘湍悍口襲郡境侯出其不意發兵迎擊寇登陸而遁乃虜其舟以歸藤州獐千餘人欲迎往龍水報仇所過暴掠及至近郊侯親諭以禍福乃羅拜而退十一年六月廣西洞寇由高化厯南恩新州而來者八九百人掠民船以至江南之口拒郡泊三四里耳侯率諸軍乘

城以待之鎧仗森列旌旆飛動賊相顧失色日且暮望見城南草樹皆以爲兵大驚曰王將軍何其兵之多也遂倉皇奔潰十一月寇復起廣西則迂迴以避德慶而攻陷肇慶矣昔隴水獯連年作耗郡縣莫之能制致勞閩帥出師久之乃定邇者聚豺狼之羣恃口谷之險將復騷動侯則遣人諭止之至若郡城戰樓之修葺與環城之樹木柵也照事之廳故所無也侯始作焉高敞宏壯實稱藩府然侯調度有方軍中不以爲勞君子曰軍旅之事所以禁暴而戢亂世之言功者往往在于兵連禍結之後其亦末矣孫子云百戰而百勝非善之善者也不戰而屈人兵善之善者也王侯有焉侯雖世爲將相銘功旂常然而不以動閭自矜平居恂恂儒雅尤好援引儒生延禮賓客盛德被于南服名聲照乎四方其所樹立

可謂傑然者也侯今攝治分閫然瓜期已及代還豫章有日
矣於是德慶之耆老聞侯將去曰保障茲土使吾屬得免疆
暴侵掠而享太平之樂者侯之德也侯之惠我民若是非勒
銘貞石何以彰示永久哉遂來請銘銘曰赫赫武康大邦之
傑至于我侯益振英烈惟侯之烈乃國之休爰驅虎士來鎮
口口旣敦詩書載備矢石隱然長城奠此邦域惟昔邦域耕
者靡遑言具舟楫式避寇攘今也無虞我黍我稷我室我家
以紡以績我飢我墊我侯振之侯其歸矣我將疇依侯母遽
歸幸振明主載秉鈞樞嘉惠斯溥至正十四年四月立石
耆老馮廷翊陳彥良徐國輔提控案牘兼照磨承發架
閣郭道成端溪縣典史盧宗善德慶路總管府經歷朱
應寶端溪縣主簿兼尉周志武畧將軍德慶路總管府

判官倫思忠 從仕郎端溪縣尹兼勸農事游焞 中順大
夫同知總管府事王遇 萬戶府吏覃宗賢 劉應源 武
德將軍益都淄萊萬戶府管軍上千戶所達魯花赤伯顏帖
木兒 忠顯校尉益都淄萊萬戶府管軍中副千戶權德慶
鎮遏萬戶府事口泰

阮通志案碑不著王侯之名據郝志名宦傳則王良也惟
傳稱良至正二年以萬戶鎮德慶碑則在十年可正志之
誤矣又十一年廣西洞寇之亂史傳志乘皆未載碑紀述
詳盡尤可補其闕至于序閏閏云真定王氏首破金將武
仙之兵二十餘萬以迎王師案降武仙之功皆出史天倪
是時王守道爲天倪萬戶府參軍耳而碑云云蓋鋪張之
辭非實事也碑後題
各皆郝志職官未載

右碑在德慶州署

倪全題名

未見

以下年代無攷

溜菜倪全以武德將軍南京新軍萬戶鎮守廣南西道奉省

檄出討獠寇凱還來此登斗魁臺氣象軒豁嶺南佳致也故勒此以紀歲月

右刻在星巖見星巖志及高要舊志末云以紀歲月而志無考溜菜二字新志謂不可解蓋溜菜之誤耳

北山殘字

北山外臨口境中藏口口湮沒滋久口口叢棘口口始可步余甚惜之口口一口口口葦蕨口口天口之治具命作文往口口口衆口一詞莫不口口宜因遊翠巖口口以紀上巳口口口口口寺向何年廢雲埋一口天口簪空落日犀帶口平川僧寂口口巖虛鬼祟眠我來重作古時把下磨滅不可讀

右殘刻在陽江北山

崆峒巖三大字

瀑布泉

右刻在陽春崆峒巖石上蓋巖壁石乳似瀑布非有泉也縣志謂相傳自元時已有此刻

案金石諸書所采多以隔一代爲斷阮通志卽用此例也惟高要新志采至明代自謂明金石多不勝錄所錄以事以人夫以事以人固皆衆著者然其人其事或不甚顯反足資考證乃棄不錄義似嚴而實掛漏且與宋元以前體例未能畫一郡志向乏金石一類今始著於篇皆細加考訂往往取以補正職官前事之闕誤而采錄則仍止於元代若明刻中其人其事之尤關要者已散附各門庶幾不濫不漏云

肇慶府志卷二十一終

高要周汝珉校字